

საბავშვო საზოგადოებრივი სამსახური



1928

სახეობა

№ 17



== ბ ა ვ შ ე ბ რ ! ==

არ ღაივიფყოთ, როცა

15 სექტემბერს სრულდება „პიონერის“

არსებობის

ორი წელი

შ ი ნ ა ა რ ს ი:

1. რადიომშენებელი — შ. შანიძე	2	7. გერმანელი პიონერები — გ. ზ.	19
2. პიონერების მარში — ალ. მაშაშვილი	3	8. უბის წიგნაკი — ანი	21
3. პიონერები ბანაკად — დ. ციციშვილი	7	9. იაპონია — ალ. გორგაძე	22
4. ხანძარი ზღვაზე — შ. პეტრიაშვილი	10	10. რა არის პინგ-პონგი? — სანი	23
5. რა ევალემა ბექდვითი სიტყვის რწმუნებულს	16	11. ჩვენი ვიქტორინა	24
6. როგორ იბრძოდნენ ატარა რევოლუციონერები	17		



329-153(05)

მუშათა კლასის საშინაოთხის იყავ მუხალ!



კ-47-

პიონერი

1928

15 სექტემბერი

საქართველოს მ. კ. თ. ცენტრალური ბიუროს (საქ. ა. ლ. ჯიშკაშვილის ცენტრთან) და განათლების სახალხო ჯიშისარბიადის სტეიკლური აღბრდის მთავარმართველთმის აერნალი ბავშვემისათვის

წელიწადი III
№ 17



575.

ჩენია-სლოვაკის კომუნისტი კრეიბიხი ზანგ ბავშვებს უხსნის ლენინიზმის მოძღვრებას



რადიო მუხანაზარი

მ ო თ ხ რ ო ბ ა

უკვე ერთ კვირაზე მეტია, რაც შავი ზღვის ნაპირებზე, ბათუმის ნავსადგურის მიდამოებში, კარგი ამინდი დადგა. გემი „ქორი“ ემზადება გასამგზავრებლად. მასთან ერთად ემზადება პიონერი ვასოც, მეზღვაური ივანე ახალკაციშვილის შვილი. ის დღეს მთელი დღე დარბოდა ქალაქის გავარვარებულ ქუჩებში, ყიდულობდა შეგროვებული კაპეიკებით თავისი რადიომიმღებისათვის ახალ ნაწილებს.

გაოფლიანებულმა, პ რველად აირბინა მან ნავზე. ხანგრძლივად და შეშინებული ათვლიერებდა ის, ხომ არ არის გემის მახლობლად კაპიტანი სმურგისო. კაპიტანს არ უყვარდა ვასოს წამოწყებული საქმე — რადიომიმღების მოწყობა. ერთხელ ის კიდევ გამოედო მავთულს, რომელსაც ვასო შლიდა ნავის ბაქანაზე და კინალამ გაიშხლართა თავისი მეზღვაურების წინაშე, მაგრამ მეზღვაურის სიყოჩაღემ იხსნა კაპიტანი ასეთი სირცხვილისაგან. სამაგიეროდ ის ისე გაბრაზდა, რომ დაემუქრა გადაედო რადიომიმღები ზღვაში, თუკი კიდევ შეხვდებოდა იმით ვასო.

ვასო მშვიდობიანად ჩავიდა მეზღვაურების კაიუტაში და დაჯდა მამის ლოგინზე. მას მახლობლად ჰქონდა რადიომიმღები, ხოლო ქერქვეშ კი ეკიდა ხის ჩარჩოზე გადაჭიმული ანტენა. ცოტა დასვენების შემდეგ ვასომ მოაწყო თავისი რადიო მიმღები. ბათუმის ნავსადგურის რადიოსადგური იტყობინებოდა: „ჰქრის ნორდ-ოსტი. ამინდი შეიცვლება“.

— ოო! — გაიფიქრა ვასომ — ალბათ, დღევანდელი იქნება.

ცოტა ხნის შემდეგ ვასომ წესრიგში მოიყვანა რადიომოწყობილობა და გემის ბაქანზე ავიდა.

„ქორი“ უკვე ნავსადგურს შორდებოდა.

ვასომ ხარბად შეისუნთქა ზღვის ჯანსაღი ჰაერი. მის სულში დღეობა იყო კარგი დღისაგან, ზღვისაგან და იმისგან, რომ მას მოწყობილი ჰქონდა რადიომიმღები და, საერთოდ, ყველა მომავალ მოულოდნელობათაგან, რაც მას შეხვდება ცხოვრებაში.

სადამოს ქარი გაძლიერდა. კაპიტანმა უბრძანა მეზღვაურებს აეწიათ იალქნები. ისინი უზარმაზარი ფრთებივით აფრიალდნენ. ჩამობნელდა. აანთეს სანთლები. ზღვა მოიღუმა.

ვასო დაწვა ლოგინზე და რადიომიმღების მილი აიღო ხელში. ბათუმის სადგურიდან ხმა უკვე აღარ

მოისმოდა, — სამაგიეროდ ისმოდა სხვა სადგურებიდან, მაგრამ ისინი არ ლაპარაკობდნენ არც ქართულად და არც რუსულად. ვასოს არაფერი არ გაეგებოდა. მაგრამ აი მან მოულოდნელად გაიგონა რუსული სიტყვები:

„ლაპარაკობს გემი „ბათუმი“. მივდივარ ნოვოროსისიკიდან სოხუმში. მყავს მეზღვაურები... ხვალ დილით ვიქნები სოხუმში“...

შემდეგ კვლავ აირია ხმები... ვასოს არაფერი გაეგებოდა. მაგრამ აი მისმა სახემ გაიღიმა კმაყოფილებით. მას მოესმა საყვარელი სიმღერა:

„ჩვენო გემო, იარე წინ“...

გემი, ზღვა — ყველაფერი ერთი წუთით გაქრა ვასოს წინ. მან წარმოიდგინა თავისი თავი ტფილისში, ოპერის თეატრში, სადაც საბჭოების ყრილობა მიმდინარეობს. აი, სცენაზე არის ფ. მახარაძე. ვასოს თიქოს მისცეს ნება მისი სიტყვა გადასცეს რადიოთი. აი, ის უკვე რადიოსადგურზეა... გადაბრუნებს ძლიერ გადამცემს, და ფ. მახარაძის სიტყვას მოისმენენ შორს, ძლიერ შორს...

ვასო მეორე გადამცემზე ხედავს დიდ გამხოლობელს. მას აწერია:

„გამოხატულებათა გადაცემა“.

ის მოაბრუნებს ამ გადამცემს. ეკრანზე სხდომის დარბაზი გამოჩნდება. ვასო ხედავს: სტალინს, ბუხარინს, ორჯონიკიძეს და სხვა ნაცნობ სახეებს სურათებით. ყველანი ტაშს უკრავენ ბელადებს, თავდავიწყებული ვასოც უკრავს ტაშს. ეკრანი მოულოდნელად ბნელდება. ყველაფერი გაქრა. ვასო კინალამ ატირდა: ნუთუ ყველაფერი ეს იმიტომ მოხდა, რომ მან დაივიწყა და დაუკრა ტაში. მაგრამ სიბნელე კვლავ გაითანტა და ეკრანზე გამოჩნდა ლამაზი ბუნება. ვასო ძლიერად ატყუტს თვალებს: მის წინ თანდათან ნათდება სცენა: ეს ხომ ისევე ტფილისის ოპერის თეატრია! დიახ, ეხლა საბჭოების ყრილობა დასრულდა და ყრილობის მონაწილეთათვის მიღის ოპერა. მუსიკა თანდათან ძლიერდება. ის აღტაცებული ზღვის ხმაურს ჰგავს...

დიდხანს არის ვასო ამ მუსიკის გავლენის ქვეშ... მაგრამ მოულოდნელად გაისმის მეხის ხმა... ვასო შეშინებული წამოხტება და შეყვირებს...

ამ დროს კი მოისმის ჭრიალი, თითქოს გემი გა-
იბზარაო.

ვასოს ხელიდან უვარდება რადიოს მილი, რომე-
ლიც იატაკზე ეცემა. მისგან მოისმის ყრუ ხრიალი...

— აი, რამ შემაშინა! — გაღიმებით ამბობს ცოტა
ხნის გამორკვევის შემდეგ ვასო. ის იღებს ფრთხი-
ლად მილს და თავის ადგილას ჰკიდებს.

კაიუტაში ბნელა. გემის კედლებს ზღვის ტალ-
ღები ფართედ და ძლიერად ეხლება. „ქორი“ ქანა-
ობს, ხან ზევით აიწევს, ხან ქვევით დაეშვება.

ვასო წვება, თავზედაც იხურავს საბანს და ისე
იმალება. მას კიდევ სურს ტკბილი ძილი...

* * *

ვასომ დილით ადრე გაიღვიძა.

მისი მამა კაიუტაში არ იყო. ის წუხელი მორი-
გობდა.

ვასო გემის ბაქანზე გამოვიდა. მზე თითქოს მხო-
ლოდ მისკენ იყო მიპყრობილი, მას დასცქეროდა:
ის მივიდა მამასთან.

— რატომ ამდგარხარ ასე ადრე? — მიმართა ვა-
სოს მამამ დანახვაზე...

— ზღვის დანახვა მინდოდა...

— ზღვის დანახვასაც მოესწრებოდი...

— იყო თუ არა ღამით ქუხილი? — შეეკითხა
ვასო მამას...


— შენ კი არ გაგიგონია? მერე როგორი! არ
ველოდით გადარჩენას.

— მე ვიცოდი, რომ ქუხილი იქნებოდა, — დაი-
ტრაბახა ვასომ, — მე ყველაფერი რადიოთი გად-
მომცეს...

შემდეგ ვასომ მამას უამბო თავისი ღამის თავ-
გადასავალი, თუ რა სიზმრები ნახა... მამა გაღიმე-
ბული უსმენდა შვილის გატაცებულ მოთხრობას...

ცოტა ხნის შემდეგ ვასო კვლავ კაიუტისაკენ
წავიდა, მას თავისი შეგობრის — რადიომიმღების —
ნახვა აინტერესებდა.

ვასომ აიღო ხელში მილი. რაღაც არეული და
შეშინებული ხმები ისმოდა იქედან. ერთად რამდე-



იალქნიანი გემი „ქორი“ მიუახლოვდა „ბათუმს“

ნიმე ხმა იძახდა. ვასომ დასკიმა სმენა და გაარჩია
მხოლოდ ერთი სიტყვა: „ბათუმი“. ის რამდენიმეჯერ
გამეორდა. შემდეგ კიდევ ნაწყვეტ-ნაწყვეტად მოის-
მა: „დაგვეხმარეთ“... და კვლავ ყველაფერი აირია...
დაბოლოს, ვასომ გაიგონა: „სიგრძედი — 39, განი-
ვი — 44. იჩქარეთ, დაგვეხმარეთ“...

რადიოს მილში მოსულ სხვადასხვა ხმათა და ხმა-
ურობათა შორის ვასო დროგამომშვებით გარკვეუ-
ლად არჩევდა რადიოტელეგრაფის ხმებს: სამი წერ-
ტილი, სამი ტირე, სამი წერტილი... — — — ... ვა-
სომ იცოდა, რომ მორხეს ტელეგრაფის ანბანზე ეს

ნიშნები აღნიშნავს სამ ასოს სოს (სამი წერტილი ეს
არის ასო ს, ხოლო სამი ტირე კი ასო ო).

სიტყა სოს — ეს არის დახმარების სათხოვნელი
ძანილი. სოს — ეს არის ის საშინელი სიტყვა, რომე-
ლიც ყოველმა მეზღვაურმა იცის.

— ეს ხომ გემი იღუპება, — თავისთვის სთქვა
ვასომ... დიდი ხანი აღარ დაუგვიანებია და გაქანდა
ზევით, მამისაკენ.

აღელვებული ვასო მივიარდა მამას და ეუბნება:
— „ბათუმი“ იღუპება... დახმარებას თხოუ-
ლობენ...

— რას ბოდავ?— გაბრაზდა მამა. — რა „ბათუმი“ მოგვლანდა? ნუთუ სულ უნდა იხუმრო შენი რა-
ღაცა მოწყობილობით... გეყოფა ხუმრობა!..

— რატომ არ გინდა მომისმინო? — გაუძაღდა
ვასო, — მიდი რადიომიმღებთან და ყველაფერს გაი-
გონებ...

— ნუთუ შენ არ იცი ჩვენი წესები? მე არ შე-
მიძლია მორიგეობიდან წავიდე...

სასოწარკვეთილი ვასო აღელვებული იყო. ის
არ ეშვებოდა მამას;

— იქ ხომ ადამიანები იღუპებიან!.. მე სიმართ-
ლეს გეუბნები...

მეზღვაურმა წარბები შეიკმუნხა:

— აი რა: გაიქეცი ნიკოსთან, გააღვიძე. სულ-
ერთია, მალე უნდა შემცვალოს. დე, მან შეამო-
წმოს... მაგრამ, თუ მოიგონე, უმჯობესია ხალხს
ტყვილა ნუ აწუხებ...

— ძია ნიკო, „ბათუმი იღუპება... ადექი...
მალე...

ძილისაგან გამოურკვეველი ნიკო რაღაცას ბურ-
ტყუნებდა. ვასომ მას ყურზე მილი მიაღვა:

— აი, მოისმინე...

მიღში უკვე გარკვეულად მოისმოდა:

გემი „ბათუმი“ იძირება... ბაქანზე 100 მგზავ-
რია და ბარგიც გვაქვს: განივი — 44... სიგრძედი — 36...
ნიკოს უკვე დაავიწყდა ძილი. ის გაექანა კაპიტ-
ნისაკენ.

შეწუხებულმა ვასომ კვლავ მიიბრინა მამასთან:

— ნიკო კაპიტნის ვასაღვიძებლად წავიდა. მე
მართალს ვამბობდი.

ვასოს მამა შეწუხდა:

— ო, უკეთესი იყო, შემცდარიყავი...

ვასოს თმები შუბლზე ჰქონდა ჩამოყრილი.

— ოხ, როგორ გაოფლიანებულხარ, ჩემო
შვილო, — მიმართა ვასოს მამამ.

ბაქანზე გამოჩნდა კაპიტანი. ვასოს ჩვეულებრი-
სამებრ უნდოდა კუთხეში დამალულიყო კაპიტნის
შიშით, მაგრამ ამ უკანასკნელმა მრისხანედ შეხედა
მას და თითქოს ადგილზე გაშეშა.

— ვასო ახალკაციშვილმა თავისი რადიომიმღე-
ბით გაიგონა. ეხლა თქვენ შეამოწმეთ, ამხანაგო კა-
პიტანო.

თითქოს მართალია: „ბათუმს“ რაღაც უჭირს.

— მომეცი შენი რადიომიმღების მილი! — უბ-
რძანა კაპიტანმა.

კაპიტანი ისმენდა და მისი სახე თანდათან იც-
ვლებოდა. მან შუბლი შეიკმუნხა. ვასო მას თვა-
ლებს არ აშორებდა.

— ყოჩაღ, ბავშო, — მილის დადებისთანავე სთქვა
აღერსიანად კაპიტანმა.

— მიმართულება ჩრდილოეთისაკენ. გემი „ბათუ-
მი“ იღუპება. უნდა მივეშველოთ.

— გამოსცვალეთ ახალკაციშვილი. ის დადგეს
რადიომიმღებთან. მან უნდა მომახსენოს ყოველი
ნახევარი საათის შემდეგ, თუ რას გაიგონებს რადი-
ომიმღებით.

— ეხლავე, — იყო პასუხი.

ახალკაციშვილი მიუჯდა რადიოს. მას ყურებში
ჩასწიოდა აღშფოთებული მოკლე სიტყვები: „გემი
იძირება... დამხმარე საშვალეებში არაა საკმარისი.
ნავები ცოტაა... ვიღუპებით... იჩქარეთ... იჩქარეთ...
იჩქარეთ...“

ვასოს მამას რადიოს მილი უკანკალებს. ვასო
ამჩნევს ამ კანკალს.

„ქორი“ სვლას უმატებს. ზღვაზე სიწყნარე,
თითქოს ის არც კი იყო აზვირთებული და ვახელე-
ბული წუხელ ღამით. მეზღვაურები ნავის ბაქანზე
იყვნენ გამოსულნი. მათი სახეები დაჭიმული და
მოღუშულია.

„ქორი“ თანდათან უმატებს სვლას, მიეჩქარება
ჩრდილოეთისაკენ, შეუბრალებლად არღვევს ცის-
ფერ ტალღებს და ისერის მათ გვერდებისაკენ.

მეზღვაური ა* ციშვილი მოახსენებს კა-
პიტანს:

— „ბათუმი“ სწრაფად მიექანება ძირისაკენ...
მივასწრებთ თუ არა ჩვენ დახმარებას?..

— უნდა მივუსწროთ, — ამბობს კაპიტანი და
ღურბინდს მიაპყრობს ჩრდილოეთისაკენ.

ცოტა ხნის შემდეგ უკვე შეუიარაღებელი თვა-
ლითაც შეიძლება დასაღუპავად გამზადებული
გემის დანახვა...

მეზღვაურების დაჭიმული ნერვიულობა ძლი-
ერდებოდა...

ვასო მეზღვაურთა შორის სდგას, ეხლა ის უკვე
არავის ხელს არ უშლის.

აი, „ქორი“ უკვე კატასტროფის ადგილასაა.
მის შესახვედრად მოემართება ადამიანებით დატვირ-
თული რამდენიმე ნავი. ადამიანები ზღვაშიაც ცუ-
რავენ დამხმარე სარტყლებით.

„ქორმა“ სასწრაფოდ ჩამოუშვა თავისი ერთდ-
ერთი ნავი. მეზღვაურები სწრაფი, უხმო მოძრაობით
ემზადებიან ძნელი სამუშაოსათვის. აი, ნავები კი-
დეც მოადგა „ქორს“. მათგან „ქორზე“ აღიან ვა-
დარჩენილები.

ზოგიერთი მეზღვაური პირდაპირ ზღვაში ხტება,
იქიდან ამოჰყავთ ადამიანები...

რამდენიმე ხნის შემდეგ „ბათუმის“ მგზავრები
უკვე „ქორზე“ იყვნენ.

„ქორი“ ნელ-ნელა, გამარჯვებული შორდება
„ბათუმს“. ვასოც სდგას ვადარჩენილი ადამიანებთან



პიონერები სასოფლო სამუშაოზე

სავსე ბაქანზე და თვალყურს ადევნებს „ბათუმის“ უკანასკნელ წუთებს. აი, წყლიდან თავი ამოუყვია გემის წვეტიან ცხვირს, ქოს დიდი შავი ქვააო. ეს ქვა თვალწინ ჰქრება, ზღვის სიღრმეში ინთქმება... აი, უკვე „ბათუმისაგან“ აღარაფერი არ მოჩანს...

როდესაც გადარჩენილები გამოერკვენ, მათ მიმართეს კაპიტანს სმურგს მადლობით. „ბათუმის“ კაპიტანი, რომელიც სულ უკანასკნელი გადმოვიდა „ქორზე“ და აღელვებული და ტანჯული სახით ადევნებდა თვალყურს „ბათუმის“ ზღვის ტალღებში დამალვას, დაღვრემილი მიუახლოვდა სმურგს—მას აინტერესებდა, თუ როგორ გაიგო „ქორმა“ „ბათუმის“ უბედურების შესახებ, როდესაც მასზე არ იყო რადიომიმღები?

— საქმეც ისაა, რომ რადიომიმღები ჩვენ გვაქვს, მხოლოდ აქამდე ის იყო, თუ შეიძლება ასე ითქვას, არალეგალური, — კაპიტანი იღიმებოდა და ისე უყურებდა ვასოს ამ სიტყვების დროს, — უკანასკნელი, სიმართლე უნდა აღვიარო, ჩემი ბრალია.

„ბათუმის“ კაპიტანს არაფერი ესმოდა.

მაშინ სმურგსმა განუმარტა:

— თქვენს გადარჩენაში დიდი ამაგი მიუძღვის ერთ ბავშს. მას აქვს რადიომიმღები, რომელიც მან თვითონ გააკეთა. ეს ბავში არის პიონერი ვასო ახალკაციშვილი. აი ეს ბავშიც...

ვასო იდგა სმურგის წინაშე და იღიმებოდა. ზოგიერთი გადარჩენილთაგანი ჩაეხვია მას კედელს, მაგრამ ვასომ გვერდი აუხვია მათ. მას არ უყვარდა მეტისმეტი სინაზე, მიუხედავად იმისა, რომ სასიამოვნო იყო თავის გმირად გრძნობა. რაც მთავარია — აწი მაინც მას აღარ შეეშინებოდა სმურგის.

სმურგსმა არა თუ გადაყარა ზღვაში ვასოს მიერ დაწყებული საქმე, არამედ იმით საფუძველი ჩაეყარა ახალ რადიოგადმომცემს. ვასოს ცალკე ოთახი დაუთმეს, სადაც ის სრული ბატონ-პატრონი იყო და სადაც განზრახული იყო რადიოსადგურის დადგმა.

როდესაც „ქორი“ ნოვიროსისისკში მივიდა, იქ შეიძინეს საჭირო მოწყობილობანი რადიოსადგურისათვის.

ერთი დღის შემდეგ რადიოსადგური უკვე მზად იყო. ეს დღე ზეიმით აღნიშნეს. მოვიდა ნავსადგურის უფროსი, ადვილობრივი ორგანიზაციიდან გამოიძახეს პიონერებები, გამოცხადდა ვაზეთის რედაქტორიც.

რედაქტორი ვასოს ისე ელაპარაკებოდა, როგორც დიდს, წასვლისას ხელიც კი ჩამოართვა მას. ვიღაც მოხუცმა ვასოს სურათი გადაიღო.

მეორე დღეს ვაზეთში მოთავსებული იყო წერილი ვასოს შესახებ. ვაზეთში იყო მოთავსებული აგრეთვე მისი სურათი.

ამ დღეს ვასომ მიიღო რადიოთი გადასაცემად შემდეგი:

„მოსკოვი. კომინტერნის სახელობის სადგური. მოისმინეთ და ჩაწერეთ. ა მათს გემი „ბათუმი“ შავ ზღვაში რალაც გამოუტყვეველი მიზეზებით დაიღუპა. მგზავრები და მეზღვაურები „ქორმა“ გადაარჩინა. გემის დაღუპვის შესახებ „ქორის“ რაზმს შეატყობინა პიონერმა ვასო ახალკაციშვილმა. მან გემზე მოაწყო რადიომიმღები, რის მეოხებითაც. გაიგეს „ბათუმის“ უბედურება...

ალოო!.. ალოო!.. რადიო-პიონერი ვასო ახალკაციშვილი“.

ვასოს სიხარულს საზღვარი არ ჰქონდა...

შ. შანიძე



პიონერების მარში.

რიგში დარაზმული მივდივართ ერთად,
გუგუნებს მედგარი ხმა,
დაჰკარით ბარაბანს, დაჰკარით ბარაბანს,
დაჰკარით ბარაბანს: ბრახ!

✓ ჩვენ ლენინელების უმცროსი ძმები ვართ,
ერთია მიზანი, გზა,
თუ მტრების ლაშქარი კვლავ დაიძვრებიან,—
ბრძოლისთვის ვიქნებით მზად!

მოვდივართ ქუჩებით, მოვდივართ ბარდაბარ,
ყოველგან ჩვენია ხმა,
დაჰკარით ბარაბანს, დაჰკარით ბარაბანს,
დაჰკარით ბარაბანს: ბრახ!

ვინ იცის, რამდენი გრიგალი გადიარს
ერთბაზად მოვარდნილ ზღვად!
ჩვენ, ლენინელების შემცველი გვარდია,
ყოველთვის ვიქნებით მზად!

შეხედეთ, შეხედეთ, რამდენი ვიზარდეთ,
რამდენიც გაჩნდება ხვალ!
გვაშენებებს საერთო საქმე და მიზანი
მრავალმილიონიან ხალხს!

თუ ძველმა ქვეყანამ კვლავ დაიღრბილა
მშრომელთა სამშობლოს მტრად,
ჩვენც მაშინ ავისხამთ ვაზნებს და იარაღს
და ბარიკადებზე: ტრახ!

✓ ვართ დაუთვალავი ზღვა ვარსკვლავები
ერთია მიზანი, გზა,
თან მოგვაქვს დროშებად ანდერძი ლენინის
მომავალ ბრძოლების რაზმს!

მოვდივართ სიმღერით, მოვდივართ თანაბრ
გუგუნებს მედგარი ხმა,
დაჰკარით ბარაბანს, დაჰკარით ბარაბანს,
დაჰკარით ბარაბანს: ბრახ!

პიონერული ზანაკა



6. ექსკურსია.

გრილი ნიავი სოფელს აღვიძებს. ბორჯომის ხეობიდან ზანტად გამომდინარე მტკვარი წყნარად მიიკლავება უკვე გაშლილ ველზე. სწორედ იმ ადგილას, სადაც ხეობა თავდება, მტკვრის მარცხენა ნაპირზე გაშენებულია სოფ. ქვიშხეთი თავისი ნაძვანართით. მისი მდებარეობა ნახევრად მთაგორიანია. იგი უახლოვდება წიფის გვირაბს და, შეიძლება ითქვას, რომ ქვიშხეთი ქართლის და ზემო იმერეთის მიჯნაა.

დილის 6 საათია. მზემ მხოლოდ ახლა ესროლა თავისი სხივები ნაძვანარს და ააფერადა. ქ. ხაშურიდან საყუდის საყვირის ხმა გარკვევით მოვარდა. მერიმ თვალეები გამოაჭყიტა და ზანტად წამოდგა, გადახედა თავის ამხანაგებს. ზოციერთნი უკვე ამდგარიყვენ და კიდევ ტანს იცვამდენ.

— ჯერ აღრეა, ჩვენ 7 საათზე უნდა ავდგეთ, ახლა კი მხოლოდ ექვსია.

— არა, დღეს აღარ იქნება დაცული ჩვენი საბანაკო დღის რეჟიმი. ეხლავე უნდა ავდგეთ და წავიდეთ ექსკურსიაზე წიფის გვირაბისაკენ და შემდეგ სურამში, იქ წითელარმიელები არიან დაბანაკებულნი და მათ ცხოვრებასაც ვავეცნოთ.

პიონერები, რომელნიც დილით ყოველთვის 7 საათზე იცვამდენ ტანს, 8 საათზე პირს იბანდენ, შემდეგ ყოველი განსაკუთრებული საათი თავის დანიშნულებას ხმარდებოდა, ახლა 6 საათზე წამოიშალენ და გაჩქარებული მხადება დაიწყეს საექსკურსიოდ.

— არ დაგავიწყდესთ, ყველამ თავისი საქმელი უნდა წამოიღოს, ჩვენ მთელი დღე ამ სოფელ გარეთ დავრჩებით, ვინახულებთ წიფის გვირაბს და სურამს, საღამოს კი უკან დავბრუნდებით.

მოიშაადეს ყველაფერი, განსაკუთრებულ საბანაკო ჩანთებში ჩააწყვეს თავისი საგზალი და გაუდგენ გზას.

— ოო! გიგას გაუმარჯოს! სად მიდიხარ, გიგა! შესძახა ერთმა პიონერმა გიგას, რომელსაც მხარზე თოხი გაეღო.

— ყანაში! მამა იქ არის და სიმინდის გამარგვლაში უნდა მივეხმარო.

— წამოდი ჩვენთან, გიგა, საექსკურსიოდ მივდივართ. ხვალ 9 საათზე შენთან წამოვალთ და ერთ საათში შენ ყანას სრულიად გავმარგლავთ.

— მე? ამდენი თოხი სად უნდა იშოვოს კაცმა?

— შენ მაგის ჯავრი ნუ გაქვს! როდესაც ჩვენ ასეთნაირ სამუშაოზე მივდივართ აღმასკომის თავმჯდომარე გვიშოვნის ხოლმე თოხებს, ასე რომ თოხებისათვის ნუ შესწუხდები, ჩემო კარგო.

— მაშ კარგი, წამოვალ, მაგრამ მამას რა ვუთხრა?

— ნუ გეშინია, ხვალ, სამაგიეროდ, კმაყოფილი დარჩება.

გიგამ თოხი მხარიდან ძირს ჩამოიღო.

— მაშ კარგი, ამ თოხს, ეგერ რომ ჩემი გარემოა, იმის ღობეში დავმაღავ, მე კი თქვენთან წამოვალ.

— აბა, ჩქარა, გიგა, შენ კარგად გეცოდინება აქაური მიდამოები და წინ ვაგვიძღვებ!

გიგა გაიქცა. თავის სახლის გარემოს მიუახლოვდა, თოხი ღობის იქით გადასდო და უკან გამობრუნდა. მალე პიონერთა რაზმს შეუერთდა.

— ამხანაგო! შენ რა გქვიან? — შეეკითხა გიგა იმ პიონერს, რომელმაც პირველად სთხოვა მათ გაჰყოლოდა.

— ლადო. რატო მკითხავ?

— შენ არ ჩამწერე კვირას პიონერებში?

— ჰო!

— მერე ასეთი ტანისამოსი რატომ არ მომეცოთ? და გიგამ მის ბლუზა-შარვალზე მიუთითა.

— ჯერ აღრეა, მოიცადე და შენც მოგცემენ!

— მერე, მე რომ ამდენ პიონერებში გარეგნულად პიონერი არა ვარ, ხომ ყველა შემატყობს?

— არაფერია, ეგ ახლა იქნება, შემდეგ აღარ!

— ლადო! მე მაქვს ორი ხელი პიონერის ტანისამოსი წამოდებული თან. ერთი რომ დამსეროდა, მეორე უნდა ჩამეცვა. მე მივცემ მაგას.

გიგამ ტანისამოსი გამოიცვალა და ნამდვილ პიონერს დაემსგავსა.

— ამხ. ხელმძღვანელო! აი, ესეც პიონერია, ჩვენი რაზმის წევრი. ჩვენთან ერთად მოდის ექსკურსიაზე, სამაგიეროდ მას ჩვენ ხვალ 9 საათზე უნდა

1) განგრძობა, იხ. № 16.

მივეხმაროთ და ყანა გაუშარგლოთ, თორემ მამა გაუწყრება, დღევანდელი დღე ამ ვააცდინა, — უთხრა ლადომ ხელმძღვანელს, — დესაც მას მიუახლოვდა.

— ძალიან კარგი! ეს ტანისამოსი სადღა იშოვეთ?

— აი, სოსოს ჰქონდა ორი ხელი წამოღებული და ერთი მავას დაუთმო.

ექსკურსანტები მიუახლოვდნენ ს. ლიხს. ამინდი წყნარია. არსად წელი სიოც არ იძვრის.

— აქეთ გაუხაროთ! — სთქვა ხელმძღვანელმა და რკინის გზის ხაზს გაჰყვა.

— მოითმინეთ, მატარებელი გამოსულია, გვირაბში მაინც ვერ შეხვალთ! საშიში იქნება. როდესაც მოვა, მაშინ წადით, საღამომდე აღარაფერი ამო-



მაქსიმ გორაკი ტფილისში ყოფნას დროს

ივლის და შევიძლიათ თავისუფლად დაიაროთ მთელი გვირაბი.

მატარებელმა მალე ჩაიარა.

— აი, აქ არის უდიდესი გვირაბი. მისი სიგრძე 4 ვერსს უდრის. ეს ადგილი ამავე დროს დასავლეთ და აღმოსავლეთ საქართველოს საზღვარია. უწინ, სანამ აქ გვირაბი გაკეთდებოდა, მატარებელი ს. ფონაზე გადადიოდა სურამისაკენ. მის ასატანად ასეთ აღმართზე საჭირო იყო რამდენიმე ორთქლმავალი. ამავე დროს ძალზე დაქანებულ რკინის გზას მოსდევდა ხშირი კატასტროფები (მარცხი). აი, ამიტომ გადაწყვიტეს აქ გაეკრათ გვირაბი და გასჭრეს კიდევ.

— ამხ. ხელმძღვანელო! თუ შეიძლება შესვლა გვირაბში, გაყვით ამ რკინის გზას, გავიდეთ წიფაში, ვნახოთ, წიფა როგორი სოფელია.

— დედა, როგორი მთებია! რამხელა გორები! — წამოიძახა მერიმ, როდესაც გვირაბის მეორე მხარეზე გავიდნენ.

— შეხედე, აქ მგონი სოფელია! — სთქვა ერთმა პიონერმა.

— დედა, დედა, როგორაა იმ კლდეში მდებარე მიტყეპებულო?

— რანაირი სოფელია ეს?

— რა უნდა მოვიდეს აქ? რითი ცხოვრობენ ამ სოფლის გლეხები?

— დედა, როგორი ქვიშიანი ლიანდაგია!

— ეს ძეგლი ვისია, ვინ მარხია? — იკითხა ელენემ.

— ეს ამ გვირაბის გამკეთებლის ძეგლია, იგი შესანიშნავი ინჟინერი იყო. როცა ეს გვირაბი დაამთავრა, გარდაიცვალა და აქვე დაასაფლავეს — დაიწყო ხელმძღვანელმა. — ბავშებო! თქვენ ძალიან გაგაოცათ ამ სოფლის ადგილმდებარეობამ. აქ არაფერი არაა გასაკვირვალის, ეს ზემო იმერეთის ერთ-ერთი მთაგორიანი მხარეა. გლეხები აქ უმთავრესად მისდევენ მეტყეობას და ხვნა-თესვას. ზოგიერთი მთვანი რკინის გზაშიც მუშაობს.

— მართალია, ხელმძღვანელო! მამაჩემი ამ სოფლიდან არის წამოსული, მეც ყყოფილვარ ხოლომე აქ ჩვენ აქ სახლიც გვაქვს. ჩემი ბაბუა და ბებია აქ ცხოვრობენ.

— მოდი ვეწვიოთ თედოს, აქაური ყოფილა! — წამოიძახა ერთმა პიონერმა.

— წავიდეთ სადგურზე! იქ ამოივლის რამე საბარგო მატარებელი. უკვე შუადღეა, ჩავსხდეთ და წავიდეთ ლიხში. სურამში ხვალ წავიდეთ, დღეს ვეღარ მოვასწრებთ.

— ხელმძღვანელო! ხვალ ხომ გიგას უნდა მივეხმაროთ სიმინდის გამარგვლაში? რით წავალთ სურამში?

— ჰო! გიგასთან 8 საათზე მივიდეთ, 10 საათამდე ვიმუშაოთ და შემდეგ წავიდეთ სურამში.

ერთი საათის შემდეგ საბარგო მატარებელმა ჩამოიარა.

— ბიკოს, მამა! — წამოიძახა ერთი პიონერმა და ლია რონოდისაკენ გაქანდა.

— მამა, მამილო!

ლამის თევისაგან თვალებდაწითლებულმა მემუხრუქემ უკან მოიხედა და გახარებული ზეზე წამოვარდა.

— ოო, სიმონიკა! სიმონ! ბიკო, სად იყავი, აქ რა გინდათ, თქვენ ხომ ქვიშხეთში ხართ?

— მამილო! აქ წამოვედით საქსკურსიოდ. ახლა უკანვე მივდივართ, ამ მატარებელს უნდა დაუუჯდეთ.

7. ნ ა ღ ი.

ეს ქალაქელი ბავშვები მართლა რა ყოჩაღები ყოფილან, ქალო, ერთ საათში გამიმარგლეს ყანა. ყველას ვებეწვე, მათ უფროსსაც ვუთხარი, წამოღით ჩვენთან სადილათ-თქო, მაგრამ არ ქნეს: ჩვენი სადილი ბანაკში გვაქვსო. თითქმის ას ორმოცდაათი ბავში იყო. რომ წამოსულიყვენ, რა უნდა გვექმია? ძროხას თუ დავეკლავდით, თორემ სხვას რას მივუტანდით! ი ჩვე-

ნი ბიჭი თან წაიყვანეს, აღარ იშორებენ. ისწავლის რამეს მათგან, კარგი ბავშვები არიან ძალიან!—ასე ამბობდა ყანიდან ახლადდაბრუნებული გიგას მამა.

— მერე სად წავიდენ ჩვენი ყანიდან?—იკითხა გიგას დედამ?

— არა, არა, მე ეხლა გავიგე, თუ რა კარგი ყოფილა სწავლა: ბავშვს სახლში საშუაოდ აღარ გავაცდენ, სკოლაში გავგზავნი, რომ გაიზრდება, სწავლაც ექნება და მუშაობაც ეცოდინება.

სალამოზე გიგა მხიარული სახით დაბრუნდა შინ თავისი პიონერ-ტანისამოსით.

— მამი! დღეს ბევრი რამ ახალი გავიგე! ვინახულეთ სურამის ციხე, რომელშიც ვითომდა დედისერთა შვილი, ზურაბი, დაუტანებიათ. ჩვენი წითელი არმიის მეთაურს ველაპარაკეთ. ჩვენი ვასიანთ დათუაც იქ არის. რომ შემხედა, ძალიან გაეხარდა, მით უმეტეს, პიონერის ტანისამოსში რომ დამინახა. მამილო, მეც ქალაქში უნდა წავეყვე ჩვენ ხელმძღვანელს. იქ მე უფასო ბინას, სასმელ-საჭმელს და სწავლის გაგრძელებას მპირდებიან. ხომ გამიშვებ, მამა? და იქვეუღლად შეაქტერდა გიგა მამას.


— წადი, შვილო, წადი! მე მოხარულიც ვიქნები. გიგამ სიხარულით აღარ იცოდა რა ექნა.

8. ბანაკობის დასასრულს.

ერთი თვის შემდეგ ტფილისის სადგურში ბათომიდან ჩამოსულ მატარებელს პიონერთა ორი ვაგონი მოჰყვა. ისევ ისეთი ყრბამული, მხიარულება ჩამოიტანეს ახალგაზრდებმა ტფილისში, რაც 2 თვის წინათ ჰქონდათ, აქედან წასვლის დროს.

— რა ვიცი! სურამში მივდივართო, იქ ჯარის ნაწილები დგასო! მათ ცხოვრებას უნდა გავეცნოთო. ჩვენი ბიჭიც იმათ ვაჰყვა.

— შენ არ ასწავლე და თვითონ იქნებ მაინც რამე შეისწავლოს იმ ქალაქელი ბავშვისაგან.



ბანაკობის დროს საშუალოდ თითოეულმა 16 კილო მოიმატა.

გიგა ლაღოს გადმოჰყვა სადგურზე და განცვიფრებული შეჰყურებდა ბაქანზე ხალხის მოძრაობას. უფრო განცვიფრდა გიგა, როდესაც სადგურიდან გამოვიდა და ქალაქში უცნაურად მოწყრილევ ტრამვაი დაინახა.

დავით ციციშვილი





მ ო თ ხ რ ო ბ ა

გემი „ოქტომბერი“ თავის სამშობლოში ბრუნდებოდა. დღისით იგი ჰკვეთდა გაათარებულ შვენისლებს, აპობდა აზავთებულ ზღვას. ერდოზე შემოვარდნილი, მთის ჩანჩქერივით თეთრად დაფენილი ტალღები უკანვე გადაბოდა გრილით, და გემის ფოლადის სხეული ზანტად ირხეოდა.

დაღამებისას ქარი მიწყნარდა და ზღვაზე სიჩუმე ჩამოვარდა, სივრცეში შავი ღრუბლები გაჩნდნენ; ზღვას თვალგადაუვალი სიბნელე ნაბადივით შავად გადაეკრა.

ირგვლივ მყუდროება იყო და მხოლოდ ანძებს იქით, დაბლა, თითქო მძიმედ სუნთქავდა ზღვის უფსკრული, საიდანაც ხანგამოშვებით მოისმოდა ტალღების ყრუ ხმაური.

ბოგირზე იღვა მორიგე და შორს მჭვრეტი თვალებით დაუსრულებელ სივრცეში იყურებოდა.

სიბნელე მუდამ იტევს მოულოდნელ საფრთხეს და საშიშროებას, რისთვისაც მეზღვაურებს ამ დროს მართებს მეტი სიფრთხილე და დაკვირვება. შორს, ზღვის ზედაპირზე გამოჩნდა რალაც მკრთლად მბუჟტავი ნათუთა, შემდეგ სინათლე თანდათან გაიზარდა, ელვარე ცეცხლად გადაიქცა, მაგრამ ისევ ჩქარა ჩაქრა.

გემებმა სიბნელით მოცულ ზღვაში ერთმანეთს გვერდი შეუარეს.

მესაქის სადგომში საქესთან იღვა მეზღვაური ბოროდკინი. სადგომში ბნელოდა, მხოლოდ ყიბლანთან ერთო ელნათური, და ბოროდკინი დაკვირვებით ჩასცქეროდა პატარა ხელსაწყოს და მასში ჩახაზულ გრადუსებს. ის ცდილობდა პირნათლად შეესრულებია დავლებული საქმე, მაგრამ ათასი ბნელი სასოწარმყვეთი ფიქრი მოსვენებას არ აძლევდა. ბოროდკინი ბრაზობდა, სურდა თავიდან მოეშორებია ეს ბნელი ფიქრები, მაგრამ გული მაინც ტკივილით ეკუმშებოდა. დღეს დილით, როცა „ოქტომბერი“ ინგლისის ერთ-ერთ ნავსადგურში იღვა, მან შინიდან მეტად არასასიამოვნო შინაარსის ბარათი მიიღო.

მისი ხუთი წლის ვაჟი ავად გამხდარიყო და უთვლიდენ, რაც შეიძლება მალე დაბრუნებულიყო, რომ ასეთი გასაჭირის დროს ოჯახს მიშველებოდა.

— ეს, ვინ იცის, ახლა როგორ არის ჩემი პატარა მიხო! რომ დამეგვიანდეს, რომ ვეღარ ვუშველო? — ასეთ ფიქრებს მისცემოდა დაღონებული ბოროდკინი, თავი დაბრუებოდა, საფეთქლებზე დაქიმული ძარღვები გამალე?ით უტემა, ჩალამებული თვალებით ჩასცქეროდა ყიბლანს და ყიბლანში მოთავსებული ციფრები შავი ბუზებივით ერთმანეთში ირეოდა. ის მძლავრად ამოდრავებდა საქის სახელურს, თითქოს ლამობდა სახელურის ტრიალში დარდი მოექარვებია.

— ეს რა ამბავია? საითკენ მიმართე გემი? — უცებ ჩამოესმა ბოროდკინს.

ბოროდკინი შეიშმუშნა, თითქოს ძილისაგან გამოეცოცხლა. გვერდზე გახედა. აქვე იღვა ფართობეჭებიანი მალალი ტანის შტურმანი, რომელიც ბოროდკინს თვალებს უბრიალებდა და გაჯავრებული ვანგრძობდა ყვირილს:

— ამხანაგო ბოროდკინო, თქვენ ნაბრძანები გქონდათ აგელოთ კურსი ზიუდ-ოსტი ორმოცდაჩვიდმეტი, თქვენ-კი გემი მოპირდაპირე მიმართულებით წაიყვანეთ. ეს რას ჰგავს? გესმისთ თუ არა, საფრთხეშია გემი და მთელი მისი ეკიპაჟი! ეს დანაშაულია, მე ამის შესახებ დავწერ პატაკს, თქვენ გავასამართლებენ.

გემის აუზის თავზე ზარმა რამდენჯერმე დაიზრიალა. ბოროდკინს აღარ ესმოდა შტურმანის სიტყვები, ის ზანტად წამოღდა და ნელი ნაბიჯებით კარებისაკენ გაეშურა.


საქესთან ახლა იდგენ მეზღვაურები — გინსი და ბოცმანი. შტურმანი არ ცხრებოდა.

— ვთქვათ, გემი დატაკებოდა წყალქვეშა მთას, ან რომელიმე კლდეს. მაშინ რა უნდა გვექნა?

— რა მიზანი გქონდათ, რომ დაუკითხავად შესცვალეთ გემის მიმართულება? — ცივად მიმართა ბოროდკინს ბოცმანმაც.

დამნაშავემ ოფლიან შუბლზე ზარმაცად ხელი გადაისვა, უნდოდა ეთქვა მიზეზი, მაგრამ შერცხვა. ისევ თავდაჭერა ამჯობინა და წყნარი აცხცახებული ხმით ამოილაპარაკა:

— არ ვიცი, მე მიმართულება არ შემიცვლია, ასე კი მოხდა რატომღაც.



ის კიბეზე ფრთხილი, წყნარი ნაბიჯებით ჩამოვ-
შვა. ერდოზე სიბნელე და მყუდროება იყო. ამბარ-
დანებს იქით კი ისევ გაისმოდა ატორტმანებული
ტალღების ყრუ ხროტინი.

— ბოროდკინი დღეს რატომღაც ძლიერ აღელ-
ვებულია. ალბათ, შინიდან რამე ცუდი ამბავი მოუ-
ვიდა, — სთქვა მეზღვაურმა გინსმა.

რადიოს ბი-
ნა განათებული
იყო, მაგიდას-
თან, ზეთით შე-
ღებილი ხელსა-
წყობების წინ,
იჯდა რადიომო-
ხელე, რომელიც სულგანაბული უსმენ-
და ას და ათას ეჯიან მანძილიდან ნა-
ტყორცნ ელექტრომაგნიტურ ტალ-
ღებს, ოკეანის თვალგადაუწვდომ სი-
ვრცეს ზუზუნით რომ სკრიან ათასი
სხვადასხვა ცნობით. იგი იჭერდა საჭი-
რო ცნობებს და სამორიგეო ჟურ-
ნალში სწერდა ნიკაბქვეშ ამოდებულ
ღვეღზე დამაგრებული რადიომილები
ყურებზე მიებჯინა და თითოეული
ახალი ცნობის მიღებაზე წინ გაშლილ
ჟურნალში მათ აღსანიშნავად იხრე-
ბოდა.



პონერებიც ემზადებიან საბჭოთა კავშირის დასაცავად

უცებ რადიომოხელე დაიყურსა,
გაკვირვებისაგან თვალები გაუფარ-
თოვდა, თითქო გამოშტერდა. თი-
თქო ცხვირის წინ საშინელი მოჩვენება აეტუზა.
მან მარჯვენა ხელის ნერვიული თრთოლვით საჩქა-
როდ გადასწია მომწესრიგებელი და მყის სამი გარ-
კვეული ასო ს. ო. ს. ლითონის ბგერით ყურში ბას-
რად ჩაესმა მათი აზრი იმდენად საშინელი იყო,
რომ რადიომოხელეს ცივმა ოფლმა დაასხა. რომე-
ლიღაც გემი, ზღვის უკუნეთსა და განუსაზღვრელო-
ბაში ჩაკარგული, დაღუპვის წინ აცნობებდა განსაც-
დელის შესახებ, ითხოვდა შეველას.

რადიომოხელე ცახცახით სწვდა ფანჯარას და ყო-
ველივე ჟურნალში აღნიშნა. მისთვის ამ წუთში არ
არსებობდნენ ნათესავ-მეგობარნი, — სულ სხვა ფიქრმა
შეიპრო იგი, რამაც ტვინი საშინელი წარმოდგენე-
ბით მთლად ააფორიაქა. მსოფლიოს რადიოები
სდუმდნენ და სიჩუმეში ესმოდათ, რას ატყობინებდა
ზღვის ჯოჯოხეთურ უფსკრულში ჩასაყურავად განმზა-
დილი გემი. ეს იყო ინგლისის საბარგო გემი „სტოლ-
ლერი“, ნახევარი მილიონი ფუთი ნავთით დატვირ-
თული რომელიც ინგლისის სანაპიროებისაკენ, სრული

სიჩქარით მიეშურებოდა. გზაში გემს მოულოდნელად
გაუჩნდა ხანძარი. ყოველგვარი ზომა მიიღეს, რომ
მოექროთ ხანძარი, მაგრამ მდგომარეობა თანდათან
რთულდებოდა; „სტოლლერი“ რადიოთი აცნობებდა
ყველა ქვეყანას კატასტროფის ადგილმდებარეობას,
და რადიომიმღებში გაისმოდა ერთიდაიგივე:

— გემზე ხანძარშია, ვილუპებით მოგვეშველეთ!..

რადიომოხელე უცებ ზეზე წამოდგა.
— ინგლისის გემი ილუპება! — უეცრად წამოი-
ძახა მან, რადიობანიდან უცებ გამოვარდა და ბოგირ-
ზე ავარდა, რომ მიღებული ცნობა კაპიტნისთვის შე-
ეტყობინებია.

ჩქარა სიბნელეში გაისმა პირველი შტურმანის
ხმამალალი დაძახილი:

— მორიგე, საჩქაროდ ამოუძახე ბოგირზე კაპი-
ტანს, ერდოზე ამოვიდეს ყველა მეზღვაური, გარდა
მანქანაზე მომუშავეებისა.

წუთის შემდეგ მთელი ეკიპაჟი ფეხზე იდგა.
„ოქტომბერმა“ გემი შეიცვალა და სრული
სვლით „სტოლლერისაკენ“ გასწია.

შტურმანი ხელში ცირკულით არკვევდა „სტო-
ლერის“ ადგილმდებარეობას, გამოიანგარიშა, რა მან-
ძილზე იმყოფებოდა იგი და შემდეგ კაპიტანს მიუბ-
რუნდა: „სტოლლერამდე“ აქედან შეიდი-რვა ეჯი იქ-
ნება. ეს უთუოდ ის გემია, ცოტა ხნის წინათ გვერ-
დი რომ ჩავვიარა.

— კარგია მშვიდად უპასუხა კაპიტანმა — როგორც ჩანს, ჩვენ ყველაზე ადრე მივეშველებით.

„ოქტომბერი“ ელვის სისწრაფით მიაპობდა ჯოჯოხეთურ სიბნელეს, ბასრი ცხვირით სჭრიდა ატორტმანებულ ტალღებს და ფოლადით განკვეთილი წყალი უკან რჩებოდა ხრამივით. მეზღვაურები ერდოზე და ბოგირზე გამწკრივებულნი იდგენ, სამწუხარო სანახაობის მოლოდინით შეპყრობილნი და ჩაფიქრებულნი. მათი თვალები ამაოდ ბარბაცებდნენ შავად მოგარსულ სივრცეში. ღამის უკუნი ხავერდივით ყომრალი იყო და ამბარდანებს გადაღმიდან მოისმოდა უფსკრულის შემზარავი ხმაური.

— აი, ხედავთ? ეს ის გემია! — უცებ რამდენიმე კაცმა ერთხმად წამოიყვირა.

შორს რიყრაქივით გამოჩნდა რალაც სინათლე. სინათლე თანდათან იზრდებოდა, ფართოვდებოდა და ცეცხლის ენებით ჰკვეთდა ღამის უკუნს. დაგრაგნილ სვეტად ავარდნილიყო ბოლი ცამდე და ცის ტატნობზე ყავისფერ კულულებად ნელ-ნელა იშლებოდა. ჩქარა სიბნელეში გამოჩნდა გემის სილუეტები. მის ირგვლივ კრიჭინას გამკვირვალე ფრთებივით ბარბაცებდნენ რალაც ჩრდილები.

კაპიტანი ტელეფონს მივარდა და სამანქანო განყოფილებას უბრძანა:

— რაც შეიძლება მეტის სისწრაფით წაიყვანეთ გემი.

„ოქტომბერი“ იჩქაროდა ინგლისელების მისაშველებლად. ყველანი წინ წაწვდილნი იდგენ ბაქანზე და ვაჰყურებდნენ ყვითელ კვამლად დახვეულ ხანძარს. მათ წარმოდგენაში იზრდებოდა მოსალოდნელი საშინელი სანახაობანი! ღამის ჰაერი თითქო თანდათან ვაკივდა და მეზღვაურები ცივმა ურუანტელმა აიტანა.

კაპიტანი ისევ უბრძანებდა:

— მოამზადეთ ტუმბოები!

რამდენიმე კაცი ბოგირიდან ფაცაფუცით ძირს ჩამოეშვა.

შემდეგ კაპიტანი მიუბრუნდა შტურმანს.

— დათვალიერე გემი, ხომ ყველაფერი რიგზეა? აგრეთვე თქვენ გვეალებათ თვალყური ადევნოთ მხანძრე მეზღვაურთა მოქმედებას.

რადიომოხელე ისევ რადიოაპარატთან იჯდა და „სტოლერზე“ აწიოკებული ხალხის ხვეწნა-მუდარას ისმენდა; ისინი შოითხოვდნენ შველას. კაპიტანი ყოველ წუთში რადიობინიდან ღებულობდა ცნობებს „სტოლერის“ მდგომარეობის შესახებ.

უკანასკნელი ცნობა შემდეგს ატყობინებდა:

— გემზე ხანძრის ჩაქრობა ვერ შევძელით, ჩქარა ცეცხლი გაუჩნდება ნავთის საწყობებს, ზღვაში ვუ-

შვებთ ბაიდებს. ნახვამდე... და შეიძლება სამუდამოდ მშვიდობითაც... რადიომოხელე შარკერი“.

ამ ცნობის შემდეგ „სტოლერი“ დადუმდა.

ჩქარა „სტოლერზე“ უზარმაზარი ცეცხლის ენები შეამჩნიეს. ისინი აეშვენ შუა ერდოდან და კლაკენით ნელ-ნელა გარს შემოერტყენ გემის აღნაგობას. ალი თანდათან ძლიერდებოდა და ბნელი ღამე ზღვაზე გარიყრაქის შეყვითლებულ ცას დაემსგავსა. ზღვის ყომრალი სივრცე ახლა ნათლად აელვარდა და ცეცხლის გრძელი ენები გამკვირვალე ტალღებზე დარხეულ ჩრდილებად აკეკლუცდნენ.

— ეხ... მაინც დავიგვიანეთ!.. ამოიოხრა რომელიღაც მეზღვაურმა

— ველარაფერს ვუშველით! — დაუმატა მეორემ. კაპიტანი იღვა გარინდული, მოაჯირს მკერდით მიყრდნობოდა და გრძელი ჭოვრიტიდან აკვირდებოდა ზღვაში ჩაშვებული მაშველი ბაიდების მოძრაობას.

— ჩაუშვით სახელდახელო კიბეები! — ხმამაღლა უბრძანა კაპიტანმა

-- არის! — უპასუხეს ერდოზე.

მაშველი ბაიდა გემი „სტოლერის“ ამბარდანას ნელი სრბოლით მოსწყდა და წითლად აელვარებულ ტალღებში შემოკურდა. მეზღვაურები, ეტყობოდა, ძლიერ ჩქარობდნენ, ნიჩბებს მძლავრად ამოძრავებდნენ, მაგრამ ბაიდა თითქო ადგილიდან არც კი იძვროდა; ტალღებით დარწეული, იგი ჰგავდა ოთხფეხა ქვეწარმავალს, ზარმაცად რომ მილოღავს ცხელ სილაზე ქვიშიან უდაბნოში. ამ დროს მეზღვაურებმა დაინახეს მეორე ბაიდაც, რომელიც ალშემორტყმული „სტოლერის“ მეორე მხარეზე მოსკურავდა. ის მისრიალებდა გამალებით და ვერ ამჩნევდა დამხმარე გემის მიახლოვებას.

„ოქტომბერი“ უცებ შებრუნდა და გზა გადაუჭრა პირველ ბაიდას; მათ შორის მანძილი ძლიერ შემცირდა.

— მოამზადეთ ბაწრები! — ისევ გაისმა კაპიტანის ხმა.

— არის! — ჩვეულებისამებრ უპასუხეს მეზღვაურებმა.

ცეცხლი „სტოლერზე“ თანდათან ძლიერდებოდა. გეგონებოდათ, რომ მას აეზარდა წითელი ჯაგარი და ახლა, როგორც ზღაპრული საკვირველი ნადირი, ოქროსფერ სხივთა ფრქვევით ზღვის დაუსრულებულ სივრცეში მიეშურებოდა.

მალლა ბარბაცით დაეკიდა უზარმაზარი, ახრჩოლილი შავი ღრუბელი. ანთებული გემი ირხეოდა და მისი ორი ანძა, როგორც გოლიათის ორი საჩვენებელი თითი, თითქოს ცას ემუქრებოდა.

კაპიტანის ხელში ფოლადის ხმით აბგერდა სამანქანო ტელეგრაფი. როცა მან ისარი გადასწია ად-

გილზე, სადაც ეწერა „გააჩერეთ“, მაშველი ბაიდა უკვე ახლო იყო. „ოქტომბერმა“ ბაიდისაკენ სწრაფად შეაბრუნა ამბარდანი და ერდოდან ერთხმად ჩასძახეს ინგლისელებს:

— ბაწარი დაიჭირეთ.!

და როცა ბაიდა მიუახლოვდა სახელდახელო კიბეს, ინგლისელები რიგ-რიგობით ამოვიდნენ გემის ერდოზე. „ოქტომბერზე“ გაჩნდა უცხოელების მთელი ჯგუფი—ადმინისტრატორები და მეზღვაურნი. ზოგი მათგანი ცეცხლს პირდაპირ საწოლებიდან აევლო და ამიტომ ისინი იყვნენ საცვლების ამარა, ფეხშიშველნი და უქულონი, მღელვარებისაგან ალექწილ სახეებზე ხვითქი ასკდებოდათ, გაკვირვებულნი თვალებს აცეცებდნენ და თითქოს არც სჯეროდათ, რომ რუსების გემზე მოვიდნენ.

კაპიტანმა უბრძანა გემი ნელი სვლით წაეყვანათ, თადგან იმედოვნებდა ეს ხელს არ შეუშლიდა გადასარჩენ ხალხს გემის ერდოზე ამოსულიყვნენ. „ოქტომბერს“ აზრად ჰქონდა გადაერჩინა მეორე ბაიდაც.

სწორედ ამ დროს საოცარი ამბავი მოხდა. მათ დროზე ვერც გაიგეს, რათ შემოიგარსა „ოქტომბერი“ გახურებული ჰაერით, ან მასზე მყოფი ხალხი რად აფუსფუსდა და აფორიაქდა. ზოგნი მათგანი აბარბაცებულნი ძლივს იგდნენ ფეხზე, ზოგნი კი სულმეხუთულნი ერდოზე ჩაიკეცენ. საშინელებამ უეცრად მოიკვა იჭაურობა და გაისმა სასოწარკვეთილების მომგვრელი შემზარავი ხმა. თითოეულს მოეჩვენა, რომ ზღვამ უფსკრულიდან ამოისროტინა, ამოისუნთქა სასწაულებრივად, შეტორტმანდა ზღვა და ეს სუნთქვა-ხროტინი კიდიით-კიდედმდე გაისმა ზღვის დაუსრულებელ სივრცეში... თვალის მომპრკელმა სინათლემ შთანთქა უკუნი სიბნელე. გაიხედეს და იქ, სადაც „სტოლერი“ იდგა, გემის მაგივრად მოჩანდა შავ ღრუბლებამდე აწვდბლი ცეცხლის ასისინებული ენები. ნავითთ მოფარულ წყლის ზედაპირს გასჩენოდა ცეცხლი და მღელვარე ზღვა, ხანძრად დანთებული, შემზარავად გუგუნებდა.

„ოქტომბერი“ გარემოცული იყო ცეცხლით. ისევ აბგერდა სამანქანო ტელეგრაფი, რომელიც გემის ქვედა ნაწილებს უბრძანებდა გემი სრული სვლით წაეყვანათ და ისევ გაისმოდა კაპიტანის მტკიცე ხმა:

— მარჯენივ, ამბარდანისაკენ.

— არის!—მარჯენივ, ამბარდანისაკენ.

„ოქტომბერი“ საჩქაროდ შებრუნდა მარჯენივ, მაგრამ მყის გაისმა კიდევე ბრძანება:

— გააჩერეთ!

— არის! გააჩერეთ!

„ოქტომბერთან“ მოკუჩებულიყო მაშველი ბაიდა, საიდანაც მოისმოდა მასზე მყოფი ხალხის ველური ღრიალი. ის, რაც მოხდა, ძნელი ასაწერია.

ხალხი აღწევდა სიგიჟემდე, თვალები შიშით და გაცვიფრებით გაფართოებოდათ და ეს თვალები გადაბრუნებული ქიქის ფსკერებივით გამოიყურებოდნენ. აღმოადებული სივრცე ხანძრით გუგუნებდა, პანაქება სიცხით სუნთქავდა, ხუთავდა სულს და სწვავედა სხეულებს.



გერმანელი პიონერები ცნობილ გერმანელ რევოლუციონერ მაქს ჰელცთან, რომელიც 7 წლის განმავლობაში ცინეში იჯდა და განთავისუფლებულ იქნა ამ ანლო ხანში.

— ეგრე რამ გამოგაშტერათ? ადგილებზე ყველა! მიუშვით ტუმბოები!

ასე გაჰყვიროდა ადელევებული კაპიტანი. ეხლა მისი ხმა უფრო მკაფიოდ, თითქო რუპორიდან, მძლავრად გაისმოდა და მიხვრა-მოხვრაც ბრძანებითი ჰქონდა. კაპიტანი იდგა ბოგირზე მცხუნვარებისაგან სახეზე წითლად ალექწილი და ეხლა ის უფრო ჰგავდა მრისხანე და ზვიად ზღვის ავაზაკს, რომელიც მზად არის თავი შუაზე გაუხეთქოს, ვინც მის ბრძანებას არ დაექვემდებარება. მისი მკვეთრი სიტყვები მოსამსახურეებს აფხიხლებდა, თითოეული მათგანი უსიტყვოდ თვალის დახამხამებაში ასრულებდა დავალებას, რადგანაც გრძნობდა, რომ საჭირო იყო გადამწყვეტი ბრძოლა სიცოცხლის შენარჩუნებისათვის.

ინგლისელები ბოგირის ქვეშ შეჯგუფულიყვნენ. რადიომოხელე ისევ თავის აპარატთან იდგა და მთელ

მსოფლიოს გადასცემდა „ოქტომბრის“ კვილის, რომელიც ხანძრად ავარდნილი ზღვის ზედაპირზე აჩქარებით მისრიალებდა.

- გემის ყველა ნაწილს წყალი შეასხით!
- არის!— მოისმოდა გემის ერდოდან პასუხი.
- ერთიმეორეს წყალი შეასხით, დასველდით!
- არის!

ამუშავდა ტუმბოები. მეზღვაურები წყლის მიღებს აქით-იქით იშვერდენ, ასხამდენ წყალს როსტრებს, ბაიდებს, ბრეზენტს, ერთმანეთს, გემის ბანებს. წყლის წნევა იმდენად ძლიერი იყო, რომ ტილოს მიღებიდან ამოსხლეტილი შადრევანი წიოდა, სტვენდა და ტკაცუნობდა, მალა ატყორცნილი წყალი იშხეფებოდა განათებულ ჰაერში და ბრწყინავდა ფერად წინწყლებად და ჩანჩქერებად. ის მეზღვაურნი, რომელთაც წყალს ასხამდენ, იჭუჭკებოდენ, ტრიალებდენ, ფრუტუნებდენ და ყველაფერი ეს გარეგნულად თამაშობას უფრო ჰგავდა, ვიდრე საქმეს.

ბოცმანი მალლობზე იღვა, ფეხები საოცრად გაეჩაჩხა და ცხენისებური სახე დაღმეკოდა. ის იმეორებდა კაპიტნის ყოველ ბრძანებას და მეზღვაურთა წასახალისებლად უფროსის ბრძანებას ცოტა თავის სიტყვებსაც წაუმატებდა:

— მიუშვით ყველაფერს ღონივრად, სანამ ფაშვი არ გამსკდარა!

„ოქტომბერი“ არღვევდა ხანძრად დანთებულ ზღვას, გაჯიუტებულ და გამძვინვარებულ ნადირივით ჰხევდა სივრცეს; ყვითელი, წავარდნილი ენები ლოკავდენ გემის ფოლადის ტანს, ჰკორტნიდენ შეღებილ კედლებს, მოფორთხავდენ მალა, სულ მალა, ზემო ამბარდანამდე. ერდოდან ასხამდენ წყალს და აქრობდენ. ხანძრისაგან გახურებული სივრცე გრილ ჰაერს ისრუტავდა და ქროლა იწყო, ზღვის ჰავლიან ზედაპირზე იკლაკნებოდა ანარეკლი ცეცხლის ენების, რომელნიც ხან ჩაქრებოდენ და ხან ისევ შემოუტევდენ. ისეთი გრძობა იყო, თითქოს გემს აუარებელი ცეცხლის ვეშაპი შემოხვეოდა, დაძრწოდენ ირგვლივ, ყირაზე გადადიოდენ, ყალყზე დგებოდენ და ერდოზე შევარდნას იმუქრებოდენ. „ოქტომბერი“ ბრბოდა, უღმობელად სრესდა ამ ვეშაპებს თავისი რკინის აღნაგობით; ამობოქრებულ წყალში ნავთი პრიალობდა და აქოჩრილი ცეცხლით აღწევდა ცამდე. იქაც, სადაც გემი „სტოლერი“ იღვა, ქარიშხალი და ხანძარი თითქო ბრუნავდა, აღისფერი ნაფლეთები ტრიალებდა და სივრცეში ცეცხლივით გახურებული ღრუბელი ისე აელვარებოდა, რომ გვეგონებოდათ ეს-ეს არის დაიგუგუნებს და ჩამოსკდებო.

გამოვა თუ არა „ოქტომბერი“ ამ აზავებულ ჯოჯოხეთიდან?

ხალხი იხუთებოდა სიცხეში. ხანძრის სიძლიერე ფილტვებს ჰკაწრავდა, თვლებს სჭამდა და თავბრუს ახვევდა მეზღვაურებს. საჭირო იყო მთელი ძალის მოკრება, რომ ხანძართან ბრძოლა შესაძლებელი ყოფილიყო.

ამბარდანის სახელდახელო კიბეზე გამოჩნდა კიდევ ერთი ინგლისელი. ეს მაღალი კაცი იყო, ხმელი, საცვლების ამბრა. მას გზა გაეკვალა ცეცხლში და აღში და როცა ერდოზე ამოვიდა, ცეცხლი ტანზე კიდევ ეხვეოდა, თითქოს ჩქარობდა მის გამომწვლებას და ტიტველ ხორცს ეძებდა საღრღნელად. ინგლისელი ოხრავდა, ხტოდა, ტრიალებდა და ხელებს აქით-იქით იქნევდა გიჟივით. სულ მთლად შეტრუსული, სახეგასიებული, ტიტველი ხაპივით მოხდილი თავით ის საშინელს ზღვის მოჩვენებას უფრო ჰგავდა, ვიდრე ადამიანს.

ინგლისელებს ას გროვაში, იქვე ბოგირქვეშ რომ იდგენ, უცებ გაისმა:

— ჩვენი მთავარი მექანიკოსი.

ბოცმანმა ინგლისელის დანახვაზე ჩახლეჩილი ხმით დაიღრიალა:

— წყალი მისხით, წყალი!

ღონიერი თქეში მოხვდა სახეში და წააქცია, ის რამდენიმეჯერ ყირაზე გადავიდა და მერე ისევ წამოღვა; ორმა ინგლისელმა მას იღლიებში ხელი სტაცა და ბოგირქვეშ ბარბაცით წაიყვანეს. დაფუთქულ სახეზე ტყავი მთლად ასძვრა და ჩვრებივით ჩამოეკიდა.

ბუფეტის მოსამსახურე ქალი კაიუტ-კამბანის შესასვლელთან იღვა და გაფითრებული მეზღვაურებს კიბის იქით მიუთითებდა:

— ხედავთ? ბაიდა მოსწყდა ამბარდანს.

ინგლისელთა გადამრჩენი ბაიდა გემის დაბრუნებულმა ხრახნილმა აღუღებულ ცეცხლის ღვართ-ქათში შეიტაცა, მაგრამ ბაიდა საჩქაროდ ისევ შემობრუნდა და ცეცხლისაგან თავისუფალ ადგილისაკენ გამოეშურა. ცეცხლმა შემობრუნება ამბარდანები და ეხლა შიგ გემში მიფორთხავდა და უღმობელად სწვავდა შიგ მომწყვდეულ ხალხს. ერთმა მეზღვაურმა რატომღაც ბაიდის ნიჩაბის ქნევა დაიწყო ისე, რომ გვეგონებოდათ გაბრაზებული „ოქტომბერს“ ემუქრებოდა მერე ის უეცრად მოსწყდა ადგილს და თავდაყირა წყალში გადაეშვა.

ბაიდა თვალის დახამხამებაში შთანთქა აღმა.

„ოქტომბერი“ ეხლა საშიშროების გარეშე იღვა. ის ცეცხლის ფართო რკალს ირგვლივ უფლიდა ცოტა მოშორებით. ბოგირიდან რამდენიმე ღურბინდით მიხერებოდენ ხანძარს.

მათ სურდათ გაეგოთ მეორე გადამრჩენი ბაიდის ბედი, ეძებდენ და არ ჰქონდათ ნახვის იმედი.

ლამის უკუნეთიდან თანდათან იკვერებოდნენ სხვა
ეროვნებათა გემები, რომელნიც „სტოლერის“ გან-
გაშის გამო წამოსულიყვნენ.

ამასობაში „ოქტომბერზე“ კაიუტ-კამპანიაში ინგ-
ლისელებს დახმარებას უწევდნენ. მესამე შტურმანი
სხვათა დახმარებით დამწვარ ადგილებს ბინტით უხვევ-
და მთავარ მექანიკოსს, ის კი ჰკენესოდა და კბილებს
საკოდავად ახრქიალებდა.

მეზღვაურები შიშველ-ტიტველ უცხოელებს აძ-
ლევდნენ თავის ტანისამოსს, წინდებს, ფეხსაცმელებს,
ქუდეებს და სხვა. ერთმა მეზღვაურმა ინგლისელს გერ-
მანეთში ნაყიდი უკეთესი კოსტიუმი ისე თავისუფ-
ლად უთავაზა, თითქოს ეს განხვრეტილი გრომის სა-
ლირალიც არ ყოფილიყოს, მოსამსახურე ქალი სუფ-
რასთან ტრიალებდა, ცდილობდა უცხოელ მოუ-
ლოდნელ სტუმრებს ჩაით და ჰურით მაინც გამას-
პინძლებოდა.

ინგლისელები ხელს ართმევდნენ თავის მხსნე-
ლებს, მაღლიერად უღიმოდნენ თვალებში და უამბობ-
დნენ მათ მიერ გადატანილ უბედურებათა შესახებ.

ხანძარი სუსტდებოდა. იქა-აქ ავარდნილი ალი
დაძრწოდა ზღვაში დაბნეული და გაფანტული. ღელ-
ვა კიდევ უფრო სწეწდა მათ. ბოლოს ღელვაც მი-
ნელდა და ზღვაზე ისე ენთო წვრილი ცეცხლები, თი-
თქოს ოქროს თევზები ლაპლაპობენო. გემი „სტო-
ლერი“ იწვოდა ისევ, რომლის ირგვლივ სხვადასხვა
გემების ფლოტილია ბუზებივით ირვოდა. აქ იყო
საფრანგეთის, ინგლისის, გერმანეთის, ნორვეგიის, ჰო-
ლანდიის გემები. მათ ყველას დაავგაუნდათ და ეხლა
უკვე არავითარი დახმარების აღმოჩენა აღარ შე-
ეძლოთ.

„ოქტომბრის“ ამბარდნს მოადგა ბაიდა, რომე-
ლიც ერთი ინგლისური გემიდან იყო გამოძახებული.
ერდოზე ინგლისელი ოფიცერი ამოვიდა და განაც-
ხადა ცნობად, რომ ის პირველი შტურმანია. ეს იყო
მსხვილი, შუატანის კაცი, მეზღვაურის ოქროსბუზ-
მენტებიან საზეიმო კოსტიუმით. მან ჩაიბარა გადარ-
ჩენილი მეზღვაურები და მერე მიმართა კაპიტანს:

— რა უნდა გადაგიხადოთ?

— „ოქტომბერი“ ხალხის გადარჩენაში გასამრ-
ჯელოს არ თხოულობს, ჩვენ კომუნისტები ვართ! —
ღირსეულად მიუგო კაპიტანმა.

ოფიცერმა შეურაცხყოფილად მხრები აიჩეხა.

— ნახვამდე!

— მშვიდობით!

„ოქტომბერი“ გაიმართა, ისევ თავისი გეზი აიღო
და გამარჯვებულის ბლავილით შეარყია ჰაერი, რო-
მელიც ხანძრის ხორშაკით იყო ჯერ კიდევ გაჟღენ-
თილი. გემმა სვლას თანდათან უმატა, გვერდით ჩა-
უარა უცხოელებს, რომელნიც მას ბოგირე¹იდან და
ამბარდნებიდან ჩაცვიბით უცქეროდნენ და შთაინთქა
სიბნელეში.

მეზღვაურების უმეტესი ნაწილი საწოლებისაკენ
მოსასვენებლად გაემართა.

რადიომოხელე ისევ ბანზე იდგა და ნავსადგურს
უძახდა.

ნერვიულად წიოდა დინამო-მანქანა. რადიოაპა-
რატი, ადამიანის ნებას დაყოლილი, ძალას იკრებდა,
რომ ცნობა მიეწოდებინა ათასეჯიან მანძილზე, სა-
ბჭოთა რესპუბლიკების კავშირში, — ცნობა საშინელი
ტრადედიის შესახებ.

ამ დროს მაქსიმე ბოროდკინი იდგა აუზის თავზე
და ზურგით მოაჯირს მიყრდნობოდა. ის იცქირებო-
და წინ, იქ, ყრუ უკუნეთში; განვლილი ამბები ისევ
თვალწინ ედგა და ჯერ კიდევ კარგად ვერ გამოორ-
კვეულიყო: იმასთან შედარებით, რაც მან ნახა და გა-
ნიცადა ხანძრის დროს, მისი წინანდელი დარდი არა-
ფერი გამოჩნდა, უნდოდა მალე დაბრუნებულიყო
სამშობლოში და მოეთხრო ოჯახში ამ საშინელ გან-
ცდათა ამბავი.

— ეს კარგი საქმეა, ხალხი დაღუპვას გადავარ-
ჩინეთ... — წაიბუტბუტა მან ჩუქმად.

„ოქტომბერი“ მიღამებულ ზღვას გულ-ბოყვით
ხნავდა, და ამბარდნებს იქით იღუმალად ოხრავდა
უფსკრული.

მ. პეტრიაშვილი



რა ევალუა გეჭვითი სიტყვის რწმუნებულს

უკვე მესამე წელია, რაც გამოდის ჟურნალი „პიონერი“ და ჩვენ მალე ვილდესასწაულებთ მისი არსებობის ორ წელიწადს; მაგრამ ამ ხნის განმავლობაში ჟურნალის და მკითხველების ურთიერთობის საქმეში ცოტა რამაა გაკეთებული. როგორც ვიცით, ამ ჟურნალის უშუალო დანიშნულებაა ემსახუროს და დახმარება გაუწიოს ბავშვთა და პიონერთა მასებს. მაგრამ უნდა აღინიშნოს, რომ დღეს „პიონერის“ მხოლოდ მეტად უმნიშვნელო რაოდენობა სალდება. დასაშვებია თუ არა ასეთი მდგომარეობა? რასაკვირველია, არა. ამისათვის საჭიროა გაძლიერებულ იქნას ბავშვების მონაწილეობა ბექდვითი სიტყვის საქმეში. ამისათვის საჭიროა თითოეულ კოლექტივში და თითოეულ სკოლაში იყოს გამოყოფილი ბექდვითი სიტყვის რწმუნებული.

ბექდვითი სიტყვის რწმუნებული არ ნიშნავს კოლექტივის საბჭოს ან წინამძღოლს, — მას ირჩევენ კოლექტივის ან სკოლის მოწაფეთა საერთო კრებაზე.

თავისი მუშაობის შესახებ ბექდვითი სიტყვის რწმუნებული ამ უკანასკნელის წინაშე აკეთებს მოხსენებას. ეს, რასაკვირველია, სრულიად არ უარყოფს იმას, რომ რწმუნებულის ყოველდღიურ მუშაობას ხელმძღვანელობას უწევდეს წინამძღოლი, კოლექტივის საბჭო და მოწკომი სკოლაში. კარგია, რომ რწმუნებულთა გადარჩევა ხდებოდეს ყოველ 4-5 თვეში, რომ ამით უფრო მეტი ბავშვი ჩავაბათ ბექდვითი სიტყვის საქმეში.

რა ევალუა ბექდვითი სიტყვის რწმუნებულს?
რწმუნებული უკავშირდება ჟურნალის რედაქციას. მან კარგად უნდა იცოდეს გამოწერის წესები: რა ღირს ჟურნალი, რამდენი ხნით შეიძლება მისი

გამოწერა და სხვ. ის თვალყურს უნდა ადევნებდეს ახალი საბავშვო წიგნების გამოცემას, უნდა კითხულობდეს მათ შეფასებას ჟურნალ-გაზეთებში.

რწმუნებული ბავშვებში აგროვებს ცნობებს იმის შესახებ, თუ როგორ უყურებენ ეს უკანასკნელი თავის ჟურნალს და წიგნებს. ეს ცნობები მან უნდა გაუზიაროს რედაქციას; გაიგებს, თუ რისი წაკითხვა უფრო უნდათ ბავშვებს, ე. ი. რა თემები აინტერესებთ მათ საბავშვო ლიტერატურის დარგიდან, მოაწყობს კოლექტივთან, ფორბოსტთან და მოწკომთან ერთად ჟურნალ-გაზეთების გასამართლებას.

რწმუნებული არის მთელი ბექდვითი საქმის რწმუნებული კოლექტივში, აქტიურ მონაწილეობას იღებს თავისი პრესის სასარგებლოდ მოწყობილ სალაშქარში, პრესის კუთხის მოწყობაში, კედლის გაზეთის გამოშვებაში. ამისათვის ის აუცილებლად შედის ბავშვობის წრეში და მასთან ერთად ატარებს ყოველგვარ სამუშაოს.

რწმუნებული თვალყურს ადევნებს სათანადო გამოცემათა თავის დროზე მიღებას ხელმომწერთა მიერ. იმ შემთხვევაში, თუ უწესრიგოდ, დაგვიანებით მოდის რომელიმე ხელმომწერი ჟურნალი, ამის შესახებ ატყობინებს რედაქციას.

რწმუნებული უკავშირდება საბავშვო ბიბლიოთეკას, ეხმარება მას ახალი და კარგი წიგნებით შესებაში, თვალყურს ადევნებს ჟურნალების და გაზეთების გამოწერას.

აი ის უმთავრესი ამოცანები, რომელიც და ბექდვითი სიტყვის რწმუნებულთა წინაშე.

მხოლოდ მათი საშუალებით შევძლებთ ჩვენ იმის განხორციელებას, რასაც ისახავს მიზნად „პიონერი“ კოლექტივის ცხოვრებაში.



უცხოელი პიონერები საბჭოთა კავშირში სტუმრად

როგორ იბრძოდნენ პატარა რევოლუციონერები

ჩვენში ბევრს ლაპარაკობენ და სწერენ წიგნებს მოზრდილი მუშების—მამაკაცების და ქალების—ბრძოლის შესახებ, პატარა მებრძოლებზე კი ხსენებაც არ არის.

ნამდვილად კი პატარა ბავშვები არამც თუ მუშაობდნენ, იბრძოდნენ კიდევ მუშებთან ერთად.

მათ არ აშინებდათ არც ცემა-ტყევა, არც დატუსაღება და არც სიკვდილი.

ყველა ისინი მედგრად იბრძოდნენ და თავს სწირავდნენ მუშათა ინტერესების საერთო საქმეს.

საფრანგეთის მწერალმა ვიქტორ ჰიუგომ მშვენიერად აღწერა პატარა რევოლუციონერი, რომელმაც თავი დასდო ბარიკადებზე მშრომელი კლასის საქმისათვის.

ჩვენ ვიცნობთ ამნაირ ბავშვებს ათასობით მსოფლიოს ყველა ქვეყანაში.

საფრანგეთის რევოლუციის დროს, 1848 წელს, ბურჟუაზიასთან ბრძოლაში საქმე მივიდა ბარიკადებამდე და იყო კიდევ ხელჩართული ბრძოლა.

აი, დეცა ბარიკადის უფროსი ტყვიით განგმირული. მას სცვლის ბარიკადზე პატარა გოგონა. იგი ართმევს მომაკვდავს დროშას და მხნედ მოუწოდებს საბრძოლველად თავისიანებს ბარიკადის დასაცავად.

ტყვია არ ინდობს ახალგაზრდა გმირს, მაგრამ ის მარტო არაა. მას სცვლის თავისუფლებისთვის თავდადებული მეორე გოგონა.

მამაკაცთ და დედაკაცთ გვერდით მამაცად იბრძვიან ბავშვები.

მუშები დამარცხდნენ. ბურჟუაზია ჯავრს იყრის: აპატიმრებენ, ჰკლავენ და ხერხტენ არამცთუ დიდ მებრძოლებს, არამედ პატარა ბავშვებსაც.

1848 წლის აჯანყება საფრანგეთში ჩააქრეს, მაგრამ მებრძოლთ ხელი არ აუღიათ ბრძოლაზე.

ოცი წლის შემდეგ ხელახლად იწყება ბრძოლა. ახლაც ბალები არ რჩებიან უკან დიდებს.

გმირულად იბრძოდნენ პარიზის ახალგაზრდა მუშები პარიზის კომუნის დროს, 1871 წელს.

ნორჩი კომუნარები არ შორდებოდნენ პარიზის ქუჩებს.

ისინი იცავდნენ ნაციონალური გვარდიის ზარბაზნებს.

ისინი იღებდნენ მონაწილეობას ქუჩის ბრძოლებში თავის მტრებთან.

ზოგ ადგილას შველოდნენ დიდებს ბარიკადების მოწყობაში.

ხანდახან ეს პატარა რევოლუციონერები ასრულებდნენ ლიტერატურის დამტარებლების როლს, ქსელი ჰქონდათ გამბული ჯარის ნაწილებთან.

გულადად იბრძოდა პარიზის კომუნის ბავშობა, მაგრამ გამარჯვებულმა ბურჟუაზიამ იათად არ დაუსვა თავგანწირვა მათ.

მარტო პარიზში, კომუნის დამარცხების დროს, დაიღუპა ცამეტი ათასზე მეტი ბავში.

აი, რას სწერს ფრანგი მწერალი ლისაგარა თავის თხზულებაში: „პარიზის კომუნის ისტორია“:

„სასამართლოს წინაშე წარსდგა თხუთმეტი ბავში პარიზიდან. სულ უფროსი ბავში თექვსმეტი წლისაა; სულ პატარა ისეთი პაწიაა, რომ ძლივს ჩანს მოაჯირის იქით, სადაც სხედან ბალები-ბრალებ-ბულები; ის თერთმეტი წლის თუ იქნება. მათ ლურჯი ბლუზები აცვიათ. თავზე სამხედრო კეპები ხურავთ. ყველანი მუშების შვილები არიან.

— დრუე, — ეკითხება ჯარისკაცი, — რა ხელობისაა მამაშენი?

— ის მემანქანე იყო.

— რატომ არ მუშაობდით თქვენ, როგორც ის?

— მე არ მქონდა სამუშაო.

— ბუვერო, რამ გაიძულათ გამხდარიყავით კომუნარი?

— შიმშილმა.

— კონკოლო, თქვენც კომუნის მომხრე იყავით?

— დიახ.

— რათ მოშორდით თქვენს ოჯახს?

— იმიტომ, რომ პური არ გვქონდა.

ამ ბავშვებს სიკვდილი მიუსაჯეს.

მუშათა კლასის ბრძოლაში მარტო საფრანგეთის ბავშვები კი არ იბრძოდნენ, არამედ სხვა ბავშვებიც.

იბრძოდა რუსეთის მშრომელი ახალგაზრდობაც. მან ბრძოლა დაიწყო ჯერ კიდევ ბატონყმობის დროს.

ბატონყმობის გადავარდნის შემდეგ, რუსეთში გამრავლდა მებრძოლ ბავშთა რიცხვი და მათი რევოლუციონური მოქმედება უფრო ენერგიული და გაცხოველებული იყო.

1879 წელს, მაშინდელ პეტერბურგში მომუშავე ქალები გაიფიცენ შაშონის თამბაქოს ფაბრიკაში. ამ გაფიცვაშიც მონაწილეობას იღებდნენ ბავშვები.

ერთი წლის შემდეგ კი გაიფიცენ კენიგის თუთუნის ფაბრიკის მომუშავე ბიჭები. ისინი თხოულობდნენ სამუშაო დღის შემოკლებას, რომელიც



დილის რვა საათიდან საღამოს რვა საათამდე გრძელდებოდა. ბავშვებს მხარს უჭერდნენ დიდებიც და გაიმარჯვეს კიდევ.

ფრიად გაცხოველებულ მონაწილეობას იღებდნენ ეს ბაღლები გაფიცვის ორგანიზაციის მოწყობაში.

მათ ევალდებოდა ლიტერატურის გავრცელება. ლიტერატურას ისინი პოლიციის შეუნიშნავად გადაიტანდნენ ხოლმე დანიშნულ ალაგას, მერე არიგებდნენ ნელ-ნელა და ფრთხილად მუშებში.

მეფის რეჟიმის დროს კი ეს საქმე ასე ადვილი არ იყო.

ქარხანაში ისინი მიდიოდნენ ყველაზე ადრე და იარაღიან ყუთში სდებდნენ ფურცლებს. ხშირად სდებდნენ ხოლმე დაზგებზე და აკრავდნენ საპირფარეშოზე. გამბედავი ბავშვები ახერხებდნენ კიდევ ჩადელოთ ეს ფურცლები მუშებისათვის ჯიბეში.

კრების დროს, გაფიცვის მოწოდებაზე, მოხარდნი ორნაირ საქმეს აკეთებდნენ: ზოგიერთნი გარშემო ეხვეოდნენ ორატორს, მტრისაგან ყოველ შემთხვევაში დასაფარავად, ზოგიერთნი კი ზვერავდნენ ქარხნის ჯაშუშებს და უშლიდნენ ორატორის ნათქვამის და მუშა მსმენელების გვარის ჩაწერას.

პოლიცია დიდებზე არა ნაკლებ სდევნიდა პატარა მებრძოლებს.

მოტოვილიზში მუშათა შეიარაღებული აჯანყებისათვის ციხეში ჩამწყვდიეს 14-15 წლის 14 ბავში.

1905 წლის რევოლუციამ მოგვცა არა ნაკლები მებრძოლი ბავშვები და მეფის რეჟიმის მსხვერპლნი.

დემონსტრაციაში ამ თავგანწირულ ბავშვებს თავი გამირულად ექირათ.

ამხ. ფრუმკინი, — ეს უფროსი რევოლუციონერი, — ამნაირად ახასიათებს პატარა გამირებს:

„ბავშვის ძვალ-რბილში გამჯდარი იყო სიძულვილი მჩაგვრელი ბურჟუაზიისადმი და სისხლის მსმელი პოლიციისა და ჯანდარმისადმი, საგსე იყო ან ბოლმით მათი გული, მგრძობიარე გული პროლეტარი ბავშვებისა“!

სამხედრო მდგომარეობის დროს თვით ვარშავის ქუჩებზე ბავშვები წითელი დროშით მიმოდოდნენ.

1907 წელს მუშებთან ერთად ემუშაობდნენ ვოლოდარსკის რაიონში, — მაშინ „ნეესკაია ხასტავა“ ერქვა. თითქმის ყველა სარევოლუციონერო საქმესკოლაში წარმოებდა, — ეხლა კრუპენსკის სახელობის განათლების სახლია.

ხიფათის ასაცდენად, — რომ არ ჩაგვედეთ პოლიციის ხელში, — ბაღლებს ვაყენებდით საღარაჯოდ.

ეს ყმაწვილები შენიშნავდნენ თუ არა პოლიციას, მაშინვე მოგვცემდნენ პირობით ნიშანს და მყისვე ჩვენს სამეცადინო მაგიდებზე გაჩნდებოდა ხოლმე ჩვეულებრივი სახელმძღვანელოები და რვეულები.

ამგვარად დავიხსენით ერთხელ დაქერისაგან ამხ. ზინოვიევი და ლიადოვი.“

არა ნაკლებ მონაწილეობას იღებდნენ ბავშვები ოქტომბრის რევოლუციაშიც და შემდეგ სამოქალაქო ბრძოლებში; ეს ბავშვები უმეტესად მუშის შვილები იყვნენ, რომელნიც თავისი მშობლების კარნახით და მათთან ერთად აკეთებდნენ ბევრ სასარგებლო საქმეს. დღეს მშრომელი ბავშვებისათვის გახსნილია გზები შემოქმედებისთვის, ისინი დიდ მონაწილეობას იღებენ ახალი ცხოვრების მშენებლობაშიც და ამავე დროს ირაზმებიან მომავალი ბრძოლებისათვის.

რა ბააკეთე

ქურნალი „პიონერის“ გავრცელების საქმეში?



ვერძანელი პიონერები.

— აბა, როგორ ცხოვრობთ, ბავშვებო? როგორ გაქვთ საქმეები უჯრედში? უკეთესად თუ უარესად? შევეკითხე პიონერებს.

— როგორ გითხრათ? ზოგიერთი რამ უკეთესად, ვიდრე ვასულ წელს, ზოგიც ისევე, როგორც წინათ იყო, — მიპასუხა ერთმა მათგანმა.

— აბა, რა გაქვთ უკეთესად? — ჩავეკითხე.

— აი, მაგალითად, ჩვენ შევისწავლეთ, თუ როგორ უნდა ჩავებათ ჩვენ მუშაობაში ინდიფერენტულად განწყობილი (ე. ი. რომელთაც არ აინტერესებთ მუშაობა) ბავშვები; შემდეგ, ახლა უფრო კოცხლად ვატარებთ ჩვენს კრებებს; ზაფხულობით ხომ კიდევ უფრო მხიარულად და უკეთესად ვმუშაობთ...

— აბა, ერთი მიპასუხეთ, რამდენი ბავში მოგყვებათ თქვენ, როდესაც ებრძვით ბურჟუაზიულ სკოლას? — პირდაპირ დაფუსვი კითხვა.

ყველანი გაჩუმდნენ. ბავშვები ითვისდნენ, იხსენებდნენ უკანასკნელ შემთხვევებს, რომელთაც ადგილი ჰქონდა სკოლაში.

— ჩვენს სკოლაში მომყვება არა ნაკლებ 15 ბავშვისა — დაბოლოს წარმოსთქვა ერთმა მათგანმა.

ჩვენთან კი უფრო ნაკლები მიჰქვრს მხარს, და აახლოებით 12, — მიპასუხა მეორემ.

— შენ რამდენი გიჰქვრს მხარს? — მივუბრუნდი პიონერ ქალს, რომელიც დიდხანს ჩუმიად იყო.

— ჩვენს კლასში მხოლოდ მე ვარ პიონერი, ჩემთან ერთად ყოველთვის გამოდის 6-7 ქალი, ჰინდენბურგის (გერმანიის პრეზიდენტი) დღესასწაულის დღეს კი თითქმის მთელი კლასი გამომყვა. მართალია მაშინ ჩვენ კარგად მოვამზადეთ საქმე, — დაწმუნებით მიპასუხა პიონერმა ქალმა.

— როგორც ჩანს, საქმე არ არის ცუდად დაყენებული, — გაიფიქრე. ჩვენშიც რომ ასე თითოეულ პიონერს თავის ირგვლივ შემოკრებილი ჰყავდეს 5-10 შეუკავშირებელი ბავში, მაშინ ჩვენი ძირითადი ამოცანა გადაწყვეტილად შეიძლება ჩაითვალოს.

შემდეგ დაწვრილებით გამოვეკითხე შინ მათი ცხოვრების, სკოლაში მუშაობის, პიონერ-ორგანიზა-

ციის სიძნელეების, შემდგომი წინსვლის და მრავალი სხვა რამის შესახებ.

ყველა შეკითხვაზე საფუძვლიანი პასუხი მივიღე. მე მესმოდა მათგან არა საერთო მსჯელობა, არამედ მოჰყავდათ კონკრეტი ფაქტები თავისი მუშაობის გამოცდილებიდან, დასკვნები, ახალი წინადადებანი და სხვ. 13-14 წლის ბავშვები ერკვეოდნენ არა მარტო თავისი უჯრედის, არამედ მთელი ორგანიზაციის ჯგუფის მუშაობაში.

ეს ბავშვები რეგულიარულად იკრიბებიან თავის რაიონში და მთელ ქალაქში ერთად (რაიონში ერთხელ კვირაში, ქალაქში ერთხელ თვეში); აქ ისინი მსჯელობენ უჯრედის, ჯგუფის და ქალაქის მთელი ორგანიზაციის მუშაობის ყველა საკითხის შესახებ. ამ აქტიური ბავშვების ნაწილი იყო ეგრეთწოდებულ პიონერულ სკოლებში, რომელიც მოწყობილი იქნა ჰამბურგში ერთი კვირის ვადით, სადაც ბავშვები ამუშავებდნენ ბრძოლის პრაქტიკულ საკითხებს, ატარებდნენ თამაშობებს, ფიზკულტურას და უშვებდნენ სასკოლო გაზეთს; ერთი სიტყვით, ამ სკოლაში პიონერები ცხოვრობდნენ კოლექტიურად, იძენდნენ ახალ-ახალ გამოცდილებებს. ბავშვების ეს აქტივი წარმოადგენს ჰამბურგში პიონერ-ორგანიზაციის მთელი მუშაობის მთავარ ძალას. მათი მონაწილეობის გარეშე ორგანიზაციის ხელმძღვანელები არ სწყვეტენ საკითხებს, რომელნიც შეეხება უჯრედებს და ჯგუფებს.

მუშაობის ასეთი სისტემის წყალობით ბავშთა შორის აქტიობა ძლიერ იზრდება; ბავშვები თვით აყენებენ წინადადებებს და მთელ თავის ძალას პროლეტარული ორგანიზაციის აღმშენებლობას სწირავენ.

ბავშვებთან ხანგრძლივი საუბრის შემდეგ გადაწყვიტე მესარგებლა ერთ-ერთი ბავშვის წინადადებით და მენახა მათი უჯრედი და კრება, რომელიც დანიშნული იყო საღამოს 7 საათისათვის. ეს საშუალებას მაძლევდა გავცნობოდი ადგილობრივ ყველაფერს, რაც მიამბეს ბავშვებმა. მე გავაფრთხილე პიონერი, რომ მათი უჯრედის მუშაობის დათვალიერება მინდა იმ სახით, როგორც არის და ამიტომ



მას წინასწარ არათფერი არ უნდა ეთქვა ამხანაგებისთვის ჩემი მათთან მისვლის შესახებ.

— „ეს ისტ კლარ“ (ე. ი. ეს თავისთავად ცხადია), — იყო პასუხი.

ბავშვები თვალის დახამხამებაში დაიშალენ.

* * * * *

მივადექი დიდ სახლს... აქ არის „წითელი ფრონტის“, კომკავშირის და ნორჩ სპარტაკელთა კავშირის სამყოფი ადგილი... ვავიარე დიდი საერთო ოთახი და შევედი მოზრდილ სუფთა ოთახში...

გრძელ მაგიდას ირგვლივ შემოსხდომია 30 ბავში (მათგან დაახლოებით 15 იყო ვაჟი) პიონერული ტანსაცმელებით (თეთრი ხალათებით, წითელი ყელსახვევებით) და რალაციის შესახებ მსჯელობენ.

ყვედ წინამძღოლ კომკავშირელს, მაგრამ ვერ ვხედავ. ბავშვები ოვითონ მუშაობენ. კრებას ხელმძღვანელობს ჩვენი ნაცნობი 13 წლის პიონერი, რომელიც 3-4 საათის წინ მესაუბრებოდა.

მე მათ ვესალმები პიონერული ნიშნით და წყნარად ვჯდები მახლობლად სკამზე.

ბავშვები განაგრძობენ მუშაობას.

ლაპარაკობს ჩვენი გაინცი.

ის ბავშვებს ახსენებს მახლობელ გამოსვლებს და მოუწოდებს მათ შემდგომი მუშაობისაკენ.

ის იგონებს აგრეთვე „პინდენბურგის დღესაც“ (როგორც ჩანს, ეს მებრძოლი დღე გერმანიის პროლეტარიატის გამოსვლებისა ძლიერ დაამახსოვნდათ ბავშვებს) და საბავშვო დღესასწაულს, რომელიც მომოწყობილ იქნა უმუშევარი მუშების ბავშვებისათვის.

ლაპარაკობს ის მხურვალედ, დამაჯერებლად, მოჰყავს მაგალითი ბავშვებისა და მოზრდილების ცხოვრებიდან. ყოველ წინადადებას ის ასრულებს მხურვალე მოწოდებით: „მთავარი ისაა, ამხანაგებო, რომ გქონდესთ რევოლუციონური დისციპლინა“.

ბავშვები გულდასმით ისმენენ თავისი პატარა ხელმძღვანელის სიტყვებს.

დაბოლოს, მან გაათავა თავისი სიტყვა.

შემდეგ წინადადება მისცა ბავშვებს გამოეთქვათ თავისი აზრი, შემოეტანათ წინადადებები მომავალი მუშაობისათვის.

ცოტა ხნით სიჩუმე ჩამოვარდა. როგორც ჩანდა, „სხვების“ დასწრება რამოდენიმედ „აწუხებდათ“, რომ გამოეთქვათ თავისი აზრები. მაგრამ რამდენიმე ხნის შემდეგ ეს სიწყნარე დაარღვია ერთმა ვაბედულმა პიონერმა (რომელიც ლაპარაკობდა ჰამბურგის დიალექტით, რამაც მხიარული განწყობილება შექმნა ბავშვებში). შემოიტანა წინადადება, რომ მორიგ სა-

სკოლო გაზეთში აუცილებლად აეწერათ შემთხვევა, რომელსაც ადგილი ჰქონდა ცოტა ხნის წინათ მათ სკოლაში.

— ჩვენ გვინდოდა, რათაც გინდა დაგვჯღოდა, დაგვემტკიცებია ბავშვებისათვის და მასწავლებლისათვის, რომ რელიგიის შესწავლა ეწინააღმდეგება დანარჩენ საგნებს, მთელ მეცნიერებას. როდესაც ჩვენმა მასწავლებელმა დაიწყო საუბარი ადამიანის წარმოშობის შესახებ, მაშინ მივეცი შეკითხვა, თუ რატომ იყო, რომ საღვთო სჯულის გაკვეთილზე სულ სხვაგვარად გვიამბეს. მაშინ მასწავლებელი გაბრაზდა და მიპასუხა: „თქვენ ჯერ კიდევ პატარები ხართ იმისთვის, რომ ეს გაიგოთ. აქ არათფერი არ არის საშინელი. ღმერთმა შექმნა ყველაფერი ცოცხალი, ხოლო ამ ცოცხლისაგან წარმოიშვა ადამიანი. და, საერთოდ, თუ ხელს შემიშლი, მაშინ გარეთ გაგაგდებ“.

ამის საპასუხოდ ბავშვებმა გაიცინეს, რამდენიმე ბავშვმა კი დაიძახა:

— ძირს რელიგია, ის ჩვენ არ გვინდა სკოლაში!

მასწავლებელი გაბრაზდა და დაგვემუქრა, რომ ის ყველას დაიჭერს, ვინც ასეთ გამოსვლებს აწყობს, გამოიძახებს მშობლებს, რომ მათ დაარიგონ თავისი შვილები.

ყველანი მხიარულები იყვნენ. გაკვეთილის გათავების შემდეგ ბევრი ვიმსჯელეთ მომხდარი ამბის შესახებ.

წინადადება წინადადებას მისდევდა. ის ეხებოდა უჯრედის მუშაობის ყველა მხარეს.

ამ მსჯელობაში საათი გავიდა. გაინცი, გაითვალისწინა რა ბავშვების განწყობილება, შეეცადა დაესრულებია და შემოიტანა წინადადება ახლა თამაში დაეწყოთ. ბავშვები იმ წამსვე წამოხტენ და წრე გააკეთეს.

20 წუთის თამაშის შემდეგ მათ დაიწყეს განაწილება ეხლახან მოსული ჟურნალ „დოლის“ ნომრების. ხაზინადარმა მოაგონა ბავშვებს იმის შესახებ, რომ შემდეგი კრებისათვის უნდა მოიტანონ საწევრო გადასახადი და ბილეთები აღსანიშნავად. თითოეულმა ბავშვმა წაიღო 10-15 ნომერი თავისი ჟურნალისა, რომ გავერცხლებია.

ბავშვებმა დაასრულეს თავისი კრება. ისინი წამოდგენ და აღფრთოვანებით დაიწყეს „ინტერნაციონალის“ მღერა.

შემდეგ დაიშალენ.



უბის წიგნაკი

უბის წიგნაკი პიონერის საუკეთესო მეგობარია და მისი დამხმარე საშეაღებია საზოგადოებრივ მუშაობაში. იგი ეკუთვნის იმ რიგის საშეაღებებს, რომელსაც არასდროს არ უნდა ივიწყებდე. მიღიხარ ექსკურსიაზე, სკოლაში თუ შეკრებაზე, ზიხარ ოთახში, თუ ათვლიერებ რაიმე გამოფენას—ეს პატარა მეგობარი თან უნდა დაგქონდეს უბით. საქმე ისაა, რომ რაც გინდა კარგი მესხიერება გქონდეს, ყოველად შეუძლებელია დაიმახსოვრო ყველაფერი, რისი დამახსოვრება და ცოდნაც საჭიროა. არის შემთხვევები, რომ გონებიდან ამოიშლება არა თუ პატარა, ძალიან მნიშვნელოვანი ფაქტებიც. გაიხსენეთ, რამდენს გქონიათ ისეთი შემთხვევა, რომ საჭირო დროს დაგვიწყებიათ მისამართი, წიგნის სახელი, ან სხვა რაიმე, ბევრი გიფიქრიათ, მაგრამ ვერ მოგიგონებიათ.

ამგვარი შემთხვევებისაგან დაგიფარავს პატარა უბის წიგნაკი, რომლის შექმნა არც ისე ძნელია.

ამობენ, რომელიმე ხალხის კულტუროსნობა შეიძლება იმითაც გაიზომოს, თუ თითოეულ კაცზე რამდენი კბილის საწმენდი მოდისო. საჭიროა ამას კიდევ უბის წიგნაკიც მიუმატოთ.

დაახლოვებით შეიძლება ითქვას, რომ ჩვენში 50 კაცზე მხოლოდ ერთი უბის წიგნაკი მოდის, გერმანიაში კი თითოეულ კაცზე ორი ან მეტი. შეიძლება ამ ფაქტის შესამოწმებლად შემდეგი ხასიათის ცდის გაკეთება: ვთხოვთ ცნობა რომელიმე 5 ინჟინერს, 5 მუშას და 5 გლეხს იმის შესახებ, მოეპოვებათ თუ არა მათ უბის წიგნაკები.

დაინახეთ, რომ უბის წიგნაკი აღმოაჩნდება ყველა ინჟინერს, მუშებს კი მხოლოდ იმათ, ვინც უფრო შეგნებულთაა. რაც შეეხება გლეხებს, მათ შესაძლებელია ასეთი წიგნაკი არც ერთს არ ექნეს. მაგრამ როგორ არის საქმე ამ მხრივ პიონერებსა და ბავშვებს შორის? რასაკვირველია, არასასურველად. ბევრ ბავშვს არა თუ მოეპოვება უბის წიგნაკი, არც კი იცის მისი მოხმარება და მნიშვნელობა.

უბის წიგნაკის ხმარება ჩვეულების საქმეა. ამიტომ საჭიროა შევიძინოთ ეს წიგნაკი და მივეჩვიოთ მის მოხმარებას.

არიან ისეთი ბავშებიც, რომელთგან ერთნი შეიძენენ წიგნაკს და სანამ ის ახალია, ჩაწერენ რაიმეს, შემდეგ კი იგი ჯიბიდან ამოუღებლად გაიცივთ და გადასაგდები გახდება. არიან ისეთებიც, რომელნიც ფიქრობენ, რომ უბის წიგნაკში ჩაწერილი უნდა იყოს მხოლოდ მნიშვნელოვანი რაიმე და


არა ყოველდღიური წვრილმანები. მაგრამ არიან ისეთებიც, რომლებმაც იციან უბის წიგნაკის მნიშვნელობაც და მოხმარებაც. ასეთი ბავშები უბის წიგნაკში იწერენ ყველაფერს, რასაც კი მნიშვნელობა აქვს. უბის წიგნაკში, პირველ ყოვლისა, უნდა ჩაიწეროს მისამართები; დაიწყეთ ხელმძღვანელის მისამართიდან და ჩაწერეთ ყველა ამხანაგისა და ნაცნობების მისამართები. არაა სავალდებულო იცოდეთ, ვინ სად ცხოვრობს, მაგრამ ყოველი შემთხვევისათვის ეს მაინც საჭიროა.

საჭიროა აგრეთვე უბის წიგნაკში ჩაწეროთ ტელეფონის ნომრები უახლოესი ცეცხლის მქრობელი რაზმის, აფთიაქის, ამბულატორიის, ექიმის, მილიციის: რაიმე უბედურების შემთხვევის დროს თქვენ შეგიძლიათ უბის წიგნაკში ჩაწერილი მისამართის წყალობით დახმარება აღმოუჩინოთ საზოგადოებას და ამით შეასრულოთ ერთ-ერთი თქვენი პიონერული ვალდებულება.

წიგნაკში უნდა ჩაწეროს ვაკვეთილების ცხრილი, წრეების, ფორბოსტის და რგოლის კრებების დღეები და სხვა. შეიტანეთ წიგნაკში განყოფილება, სადაც აღინიშნება წასაკითხავი წიგნები. გვემიანად კითხვა მეტად აუცილებელი საქმეა, ეს კი შეიძლება უბის წიგნაკის საშეაღებითაც აწარმოოთ. არის ხანდახან ისეთი შემთხვევა, რომ დაგებადებთ რაიმე მნიშვნელოვანი აზრი; ამისათვის საჭიროა იგი არ დაგავიწყდესთ, ჩაწეროთ სასწრაფოდ. ჩაწერეთ მოკლედ, დაახლოვებით ასე: „საჭიროა დავაარსოთ ჩვენს კოლექტივში სამკითხველო ისე, როგორც ეს მე-52 კოლექტივშია“ და სხვ. ეს განყოფილება საჭიროა იმისათვის, რომ დროგამოშვებით მოიგონოთ, თუ რა უნდა გააკეთოთ და როგორ უნდა იმოქმედოთ. დასასრულს, წიგნაკში იწერება ყოველდღიური საქმეების წვრილმანებიც. უბის წიგნაკის მოხმარება, ამრიგად, მიგაჩვენებს ორგანიზაციულობას და მეტ აქტივობას.

წიგნაკის ყდაზე უნდა დაიწეროს, თუ ვის ეკუთვნის იგი და ბინის მისამართიც. შეიძლება გამოიკვეთოს ზედ პიონერული ნიშანიც.

წიგნაკი რომ სუფთად და დიდხანს შეინახოთ, საჭიროა გაუკეთდეს მის რომელიმე სველი ქაღალდის მეორე ყდა. ამრიგად უბის წიგნაკით ჩვენ შევიაარაღებთ ჩვენს თავს და მუშაობაში მეტ გვემიანობას შევიტანთ. დროა, ვისწავლოთ უბის წიგნაკით სარგებლობა.



იაპონია

იაპონია მდებარეობს წყნარი ოკეანეს კუნძულებზე. იგი შესდგება ექვსი დიდი კუნძულისაგან, როგორცაა, მაგალითად: ხონსიუ, კიუსიუ, სიკოკუ, ხოკაიდო, კარაფუტო და ტაივანი. აზიის მატერიკსა და იაპონიის კუნძულებს შორის მდებარეობს იაპონიის ზღვა. ზემოთ დასახელებულ კუნძულებს გარდა იაპონიის ეკუთვნის აგრეთვე 4,000 წვრილი კუნძული. მას უჭირავს 670 ათასი კვადრატ. კილომეტრი, ასე რომ მისი სიგრძე სამჯერ მეტია დიდი ბრიტანეთის კუნძულის სიგრძეზე.

იაპონიის მაღლობ ადგილებში 200 ვულკანია. მათ შორის ამჟამად 50 ვულკანი მოქმედობს. ამიტომაც, რომ იაპონიის ამა თუ იმ კუთხეში მიწისძვრა ხშირი მოვლენაა. იაპონიაში 1923 წელს იყო დიდი მიწისძვრა და ქვეყანას დიდი ზიანიც მიაყენა: მიწისძვრამ დაანგრია ქალაქები ტოკიო და იოკაგამა, 7,000 ფაბრიკა-ქარხანა განადგურდა და ათიათასობით ხალხი დაიღუპა.

იაპონიაში 76 მილიონი მცხოვრებია. იაპონიას ჩინელები „ნიპონს“ ეძახიან, რაც ნიშნავს: „ქვეყანა, საიდანაც მზე მოდის“. იაპონია, მართლაც, ჩინეთის აღმოსავლეთით მდებარეობს და ასეთი სახელიც, ალბათ, იმიტომ უწოდეს.

მე-17 საუკუნემდე იაპონია დამოუკიდებელი კულტურულ ცხოვრებას ეწეოდა. ამ ქვეყანაში მაშინ ცხოვრობდნენ გლეხები, მოხლეჩეები და შინამრეწველები. იაპონიის მცხოვრებნი მე-17 საუკუნემდე კარჩაკეტილ ცხოვრებას ეწეოდნენ და კუნძულებზე თავისთვის ცხოვრობდნენ. მაგრამ მას შემდეგ, რაც ევროპისა და ამერიკის კაპიტალიზმი განვითარდა, კაპიტალისტურმა სახელმწიფოებმა გაფაციცებით დაიწყეს ბაზრების ძებნა, ეძებდნენ ბაზრებს იმიტომ, რომ აქ უნდა გაესაღებიათ თავისი საქონელი და აგრეთვე იქიდან ნედლი მასალა გამოეზიდათ. ამრიგად ისინი იაპონიაშიც შეიჭრნენ.

მიუხედავად იმისა, რომ ამჟამად იაპონია ჩქარის ნაბიჯით მიიწევს კაპიტალიზმისაკენ, იგი ჯერჯერო-

ბით მაინც სამიწათმოქმედო ქვეყანას წარმოადგენს. მისი მცხოვრებლების ნახევარზე მეტი მიწათმოქმედებას მისდევს.

იაპონია უმეტესად მთავარიანი ქვეყანაა. მაღლობ ადგილებში მიწათმოქმედების წარმოება შეუძლებელი ხდება. მიწათმოქმედება უფრო შესაძლებელია დაბლობ ადგილებში და ასეთები კი იქ შედარებით მცირეა. ამიტომ იაპონელი გლეხი მიწის დიდ სიფიწროვეს განიცდის, მას უხდება მთელი დღე-ღამობით მუშაობა, რომ როგორმე მოიყვანოს სარჩო და თავი დაიხსნას სიმშობისაგან.

იაპონიაში უკანასკნელ დროს ძალზე განვითარდა გლეხთა მოძრაობა; ამას, რასაკვირველია, ხელს უწყობს უმიწაწყობა; ამიტომ 1923 წელს იაპონიაში დაარსდა გლეხთა კავშირები, რომლებშიაც ათიათასობით არიან ჩაწერილი.

იაპონიაში უმთავრესად სთესვენ ბრინჯს. ბრინჯია მათთვის მთავარი საჭმელი, ბრინჯისაგან ხდიან აგრეთვე არაყსაც. ბრინჯის ღეროებით ხურავენ სახლებს, აკეთებენ ქალაღდს, ქსოვენ ბაწრებს, ქულებს და სხვა.

იაპონიის ბრინჯი საუცხოვო ხარისხისაა და ამიტომ გლეხები მას ჰყიდიან სახლგარგარეთ გასატანად, თვითონ კი ჩინეთიდან შემოტანილი ბრინჯით იკვებებიან, რომელიც უფრო იაფი უჯდებათ.

ბრინჯს გარდა იაპონიაში უფრო სთესვენ შვრიას, ქერს, ხორბალს და კართოფილს. გლეხებმა ამ ბოლო დროს მეჯოგეობასაც მიჰყვეს ხელი. ნაწილი მეთევზეობასაც მისდევს.

მრეწველობის უმთავრეს დარგს შეადგენს საფეიქრო მრეწველობა. 1907 წელს 5.000 ქარხანა იყო, 1918 წელს—16.000, ასე რომ ამჟამად იაპონიის მრეწველობაში ორი მილიონი მუშაა დაბანდებული.

მთავარი სამრეწველო ცენტრებია იაპონიაში ტოკიო (სატახტო ქალაქი) და ოსაკა.

გლეხების სიღარიბის გამო, რაც იწვევს ხელფასის იაფობას, მრეწველობის მუშების მდგომარეობა აუტანელია. ფაბრიკა-ქარხნებში მუშაობენ აგრეთვე ქალებიც.

სამუშაო დღე გრძელდება 12 საათს, ზოგჯერ 16 საათსაც, ხელფასად დღეში იღებენ ერთ იენს (ერთ მანეთს უდრის დაახლოებით). ფაბრიკა-ქარხნებში მუშების ბინები ძალზე უსუფთაოა, ეს კი იწვევს მუშათა შორის ავადმყოფობას. ერთი მესამედი იაპონელი მუშებისა კლექიანია.

მსოფლიო ომში იაპონიამაც მიიღო მონაწილეობა. ის ანტანტის (ინგლისის-საფრანგეთის) მხარეზე იყო; მან დაიჭირა ჩინეთში გერმანიის ციხეები და მეფის რუსეთს უგზავნიდა მსოფლიო ომის დროს საომარ მასალას. მსოფლიო ომის დროს გერმანიასა და ევროპის სხვა მეომარ სახელმწიფოებს აღარ შეეძლოთ ეწარმოებინათ ვაჭრობა აღმოსავლეთის ქვეყნებში, ამით კი ისარგებლა იაპონიამ და განთავისუფლებული ბაზრები ხელში ჩაიგდო, ვინაიდან მოცილებ არ ჰყავდა; მან გააჩნდა ვაჭრობა ამერიკასთან, ავსტრიასთან, ინდოეთთან, რუსეთთან, ესპანეთთან და ოსმალეთთან. ამ ვაჭრობით იაპონია ძალზე გამდიდრდა და დაიწყო სამხედრო გემების შენება. მან ძლიერი სამხედრო ფლოტი გაიჩინა და დღეს ზღვაზე მესამე ადგილი უჭირავს ძლიერებით.

იაპონიის დამოკიდებულება სხვა კაპიტალისტურ ქვეყნებთან თანდათან მწვავედება და ამისი მთავარი მიზეზია იაპონიისა და სხვა კაპიტალისტური ქვეყნების ქიშპობა ჩინეთის გარშემო. ჩინეთს იაპონიისათვის დიდი ეკონომიური მნიშვნელობა აქვს. იაპონიას თვითონ თითქმის არ გააჩნია რკინის მადანი და ნახშირი, ეს ნედლი მასალა მას ჩინეთიდან შეაქვს. ამავე დროს ჩინეთი იაპონიისათვის დიდ ბაზარს წარმოადგენს საქონლის გასასაღებლად.

იაპონიის კაპიტალისტებს ეკუთვნის ჩანეთში ქვანახშირისა და რკინის მადარობებიც. ნაწილობრივ

იაპონელები რკინისგზებსაც ფლობენ. საერთოდ, იაპონიის კაპიტალისტები ორი მილიარდი მანეთის სიმდიდრეს ფლობენ ჩინეთში. ბურჟუაზიას ემინია ამ სიმდიდრეების დაკარგვისა და ამიტომ შეურიგებელი მტერია ჩინეთის რევოლუციისა; იაპონია იმის მომხრეა, რომ ჩინეთმა აწარმოოს ბრძოლა სხვა იმპერიალისტურ სახელმწიფოებთან, რომ ამით თვითონ ისარგებლოს და მათი განდევნის შემდეგ თვით დაეპატრონოს ჩინეთს. როდესაც ჩინელები გამოუცხადებენ ხოლმე ბოიკოტს ინგლისის საქონელს, იმით სარგებლობს იაპონიის ბურჟუაზია და ჩინეთში თავის საქონელს ასაღებს.

საბჭოთა კავშირსა და იაპონიას შორის 1925 წ. დაიდვა ხელშეკრულება და ამ დროიდან კავშირის წარმომადგენლობა ტოკიოში იმყოფება.

იაპონია ძალზე აძლიერებს თავის საზღვაო ფლოტს და, როგორც უკვე მოვიხსენიეთ, მას ამჟამად მესამე ადგილი უჭირავს მსოფლიოში. მთელი სახელმწიფოს გასაჯალის $\frac{2}{3}$ იაპონია სამხედრო უწყებაზე ხარჯავს. 1925 წელს იაპონიის პარლამენტმა მიიღო დადგენილება, რომლის ძალითაც ექვსი წლის განმავლობაში იაპონიამ უნდა ააშენოს ექვსი კრეისერი და თხუთმეტი გამანადგურებელი, რაც 240 მილიონი დაჯდება.

ხმელეთის ჯარი შესდგება თექვსმეტი დივიზიისაგან, ამას გარდა გაცხარებით ტარდება მოსახლეობის გასამხედროება, განსაკუთრებით მოწაფე ახალგაზრდობის. უნივერსიტეტებში და სკოლებში სავალდებულოა სამხედრო საქმის სწავლება.

იაპონიის მთავრობის სათავეშია გენერალი ტანაკა, რომელიც ჩინეთის რევოლუციური მოძრაობის აქტიური მოწინააღმდეგეა. იაპონიის მთავრობამ უკვე გაგზავნა შეიარაღებული ძალები ჩინეთში და ცდილობს, როგორც სხვა კაპიტალისტური სახელმწიფოები, ჩინეთის რევოლუციის ჩაღრჩობას.

აღ. გორგაძე.

რა არის პინგ-პონგი?

არიან ისეთი ბავშვები, რომლებმაც არ კი იციან, რა არის პინგ-პონგი. პინგ-პონგი არც ისე ახალი თამაშობაა; ჩვენში იგი უკვე ამ უკანასკნელ ხანებში გადაიქცა მეტად მასიურ თამაშად; პინგ-პონგმა ფართო გასაქანი ჰპოვა ჩვენს მუშათა კლუბებში, ბაღებში და სხვაგან.

პინგ-პონგი ისეთივე სათამაშოა, როგორც ტენისი, მას თამაშობენ ბურთისა და რაკეტის საშუალებით. განსხვავება აქ მხოლოდ იმაშია, რომ ტე-

ნისისათვის საჭიროა გაშლილი მოედანი, პინგ-პონგისათვის კი საჭიროა ფართო მაგიდა, რომლის შუა გადაჭიმული იქნება ბადე.


მაგიდის განი უნდა იყოს 1,5 მეტრი და სიგრძე კი 2,8 მეტრი; ორი რაკეტა, 15—20 სმ. დიამეტრის, ბადე მაგიდის სიგანის და ერთი პატარა ბურთი.

ბურთი პინგ-პონგისათვის საჭიროა რაც შეიძლება მძატი, ცელულოზის. შეიძლება უბრალო



ბურთიც. ბურთის დიამეტრი უნდა უდრიდეს ხუთ სანტიმეტრს.

მაგიდა სუფთა ხის ფიკრებისაგან უნდა იყოს გაკეთებული, თან დასაკეცი, რომ ადვილად შეიძლება ბოდეს მისი გადატან-გადმოტანა. კარგია, თუ მას შეეღებავთ. გარდა ამისა, როგორც ვიცით, საჭიროა ბადე. ამისათვის უნდა იყიდოთ 1 მეტრი და 52 სმ. 17 სმ. სიგანის თხელი ტილო, რომელსაც შეამოაკრებთ კიდეებზე უფრო მაგარ ტილოს და მას გაქიმავთ მაგიდის შუა ადგილზე ღობედ. ამისათვის წინასწარ გააბავთ სინებს ან თხელ ჯოხებს დაამაგრებთ და მათზე გააკრავთ ამ ტილოს. ამრიგად მიიღებთ ბადეს. მაგრამ იმისათვის, რომ პინგ-პონგი მზად იყოს, საჭიროა კიდევ რაკეტები. რაკეტები კეთდება ხისაგან.



პინგ-პონგის თამაშობა

მოხაზავთ ფიკარზე 15—20 სანტ. წრეს, რომელსაც შემდეგ გამოსჭრით, თან ხელის მოსაკიდებელ პატარა ტარს დაუტოვებთ—ეს იქნება რაკეტი. პინგ-პონგისათვის საჭიროა ასეთი ორი რაკეტი. რაკეტის გარდა საჭიროა ბურთი.

ბურთის გაკეთება შინ არ შეიძლება, იგი უნდა იყიდოთ სასპორტო მაღაზიაში—და პინგ-პონგი უკვე მზად იქნება. შეიძლება თამაშის დაწყებაც. თამაშობს ორი. ერთ-ერთი მოთამაშე ბურთს აძლევს. ეს ხდება ასე: მარჯვენა ხელში აიღებთ რაკეტს და მარჯვენა ხელიდან ბურთის გაგდებით გაისვრით ისე, რომ ის დაეცეს მაგიდას და შემდეგ გადავარდეს ბადის იქეთ, მოწინააღმდეგის მხარეზე. თუ ბურთი ბადეს მოხვდა, მაგრამ მაინც გადავარდა მოწინააღმდეგის არეში, მაშინ ხელმეორედ იწყებთ! თუ ბურთი მოხვდა ბადეს, მაგრამ დაეარდა საკუთარ

არეში, მაშინ თამაში წაგებულია და ბურთს ისვრის მოწინააღმდეგე. იმ შემთხვევაში, თუ ბურთი არ მოხვდა ბადეს, ისე გადავარდა მოწინააღმდეგის არეში, მაგრამ იქიდან სულ გადავარდა მაგიდიდან, —ბურთის მიცემა წაგებულია.

თუ ბურთი სწორედ და გასროლილი და გადავარდა მოწინააღმდეგის არეში, მოწინააღმდეგემ უნდა მოიგერიოს იგი. ეს ხდება ასე: როგორც კი ბურთი დაეცემა მაგიდაზე და ისევე ავარდება ზევით, იმ წუთშივე უნდა გასტყორცნო იგი მოწინააღმდეგის არესკენ, რომ ხელმეორედ არ დაეცეს. მხედველობაში არ იქნება მიღებული, თუ ბურთი ამ შემთხვევაში შეეხება ბადეს. მთავარია მხოლოდ, რომ ბურთი არ დაეცეს თავისსავე საზღვარში, ან არ გადასცილდეს მოწინააღმდეგის საზღვარს.


თამაშის წესი ასეთია: იწყებს რომელიმე და შემდეგ თამაშის დროს ითვლება მოგება. პირველი წაგება (ბურთის) უდრის 15 ხელს, მეორე—30, მესამე—40, მეოთხე, უკანასკნელი, კი დასასრულს ნიშნავს. იმ შემთხვევაში, თუ ორივე მოთამაშე 30-30 იგებს, ამბობენ თანასწორიანო, რის შემდეგ საჭიროა ვინმემ ზედისხედ მოიგოს ორი გათამაშება ბურთის და მოგება მას რჩება. ერთის მოგება კი ნიშნავს მეტს, რის შემდეგ კიდევ გრძელდება თამაში, ასე რომ, შესაძლებელია, ხან ერთი იყოს მეტი, და ხან მეორე, სანამ ერთი რომელიმე არ მოიგებს ორივეს ერთად. ეს ჩვეულებრივი თამაშია; მაგრამ როცა მოთამაშეთა რიცხვი ბევრია, მაშინ იწყებენ ევრეთწოდებულ „ამერიკულ“ თამაშს.

„ამერიკული“ თამაშის წესი ისეთივეა, როგორც პირველის, მაგრამ იმ განსხვავებით, რომ აქ თამაშობენ არა 6 ხელს, არამედ ორჯერ, მოგებული რჩება მაგიდასთან, წაგებული კი სცილდება მას, და ეს გრძელდება მანამ, სანამ ყველას არ მომეზრდება თამაში.

იმ შემთხვევაში, თუ ორივე მხარემ მოიგო ერთხელ ან ორჯერ, კიდევ თამაშობენ უკანასკნელ ხელს და გამარჯვება მას რჩება, ვინც იგებს.

პინგ-პონგი სასარგებლო სათამაშოა, იგი უფროსთარებს ადამიანს მხედველობას, სიმხვეილეს, სისწრაფეს და სხვა მრავალ მხარეს. საჭიროა ჩვენც ვისწავლოთ ეს კულტურული თამაშობა.


სანი.



ჩვენნი პიქტორინა

პასუხი ვიქტორინას პირველ სერიაზე

1. საქართველოში ითვლება 80.000 პიონერი.
2. წიგნი „ათი დღე, რამაც შესძრა ქვეყანა“ დასწერა ამერიკელმა კომუნისტმა მწერალმა ჯონ რიდმა, რომელიც ოქტომბრის რევოლუციის დროს იყო რუსეთში.
3. „მესამე თაობა“ ეწოდება პიონერებს, რადგან პარტია ითვლება პირველ თაობად, მეორედ — კომკავშირი და მესამედ კი — პიონერები.
4. ლენინი მთელ თავის სიცოცხლეში ეწეოდა დაუღალავ შრომას, ამასთანავე მან რამდენიმე წელი ციხე-კატორღაში გაატარა. 1918 წლის აგვისტოში ის მძიმედ დასჭრა სოც. რევ. ქალმა კაპლანმა რამაც იქონია მთავარი გავლენა ლენინის ჯანმრთელობაზე.
5. სპარტაკელები ეწოდებოდა გერმანელი კომუნისტების კავშირს, რომელსაც მეთაურობდა კარლ ლიბკნეხტი.
6. საქართველოს კომკავშირის მდივანია აშხ. გ. ჯავახიძე.
7. ჩინეთის მთავარი ქალაქია პეკინი.
8. გერმანიის რევოლუც. ახალგაზრდობის ხელმძღვანელი კარლ ლიბკნეხტი და როზა ლიუქსემბურგი მხეცური წამებით მოკლეს სოც. გამყიდველებმა 1919 წლის ზამთარში.
9. ლენინს შვილი არ ჰყოლია.
10. ალექსი პეშკოვი არის ცნობილი მწერლის მაქსიმ გორკის ნამდვილი სახელი და გვარი.
11. ეხლანდელი ვაზეთი „ახალგაზრდა კომუნისტი“ დაარსდა 1925 წლის დეკემბერში.
12. სიტყვა „პიონერი“ ნიშნავს მოწინავეს, წამომწყებს.
13. საქართველოში ყველაზე უფრო დიდი მწერალია მყინვარი.
14. ზაპესი ამუშავდა 1927 წლის გაზაფხულზე.
15. ჯანმრთელ ადამიანს აქვს 32 კბილი.
16. „ა. კ. ი.“ არის: ახალგაზრდათა კომუნისტური ინტერნაციონალი.
17. მსოფლიო ომი დაიწყო 1914 წლის აგვისტოში.
18. საქართველოს სახალხო კომისართა საბჭოს თავმჯდომარეა აშხ. ლ. ქართველიშვილი.
19. წითელფრონტელები ეწოდება გერმანელ რევოლუციონერთა იმ კავშირს, რომელიც იბრძვის მოსალოდნელი ომიანობის წინააღმდეგ.
20. ჟურნალი „პიონერი“ გამოდის 1926 წლის 15 ოქტომბრიდან.



გამოდის 1928 წ. გამოდის

თრკვირული საშინაო სასურათო

→ უ უ რ ნ ა ლ ი ←

მოზრდილთათვის **პიონერი** წელიწადი III

უურნალი ს. ს. ს. რ. შველა სკოლისათვის სავალდებულოა.

ლენინის სახელობის საქართველოს ბავშთა კომუნისტური ჯგუფების ეოველი წევრის, ორგანიზაციის ეოველი კოლექტივის, ბავშთა კომუნისტური მოძრაობის თითოეული ხელმძღვანელის, ბიბლიოთეკების და სამკითხველოების ვალდებულე-ბაა ვამოიწერონ

— კ ი ო ნ ე რ ი —

მიიღება ხელმოწერა 1928 წლისათვის.

უურნალი ღირს გადაგზავნით:

- წელიწადში — 5 მან.
- ექვს თვეს — 3 მან.
- სამ თვეს — 1 მან. 50 კაპ.

სალკე ნომერი — 25 კაპ.

მისამართი: ტფილისი, რუსთველის გამზირი, № 22, სახეღკაპი (მეორე სართული). „პიონერი“-ს და „ოქტობრული“-ს რედაქცია.

რედაქტორი — სარკდაქსიო კოლეჯია.